

NY DINGAN'NY

ASAM-PANOMPOAKO ANKEHITRINY

♪ ...?...tena reraka sy torovana. Ary nanana fiombonana be dia be izahay teny an-dàlana, fivoriana mahafinaritra, tamin'ny fiarahabana an'ireo Kristiana tamin'ny toerana rehetra, hatrany ambony, nidina ny Morontsiraka Atsinanana, ary niakatra ny Morontsiraka Andrefana ihany koa hatrany Canada. Ary niaraka tamin'ny fiaraha-miasa tsara teo anivon'ireo fiangonana ara-anaram-piangonana samihafa, ny Assemblées de Dieu, sy ny Pentekotista Mitambatra, Fianganan'Andriamanitra, Foursquare, sy ny maro amin'ireo rafi-pandaminana hafa izay niara-niasa, nanao fivoriana lehibe. Fahombiazana lehibe, raha azo antsoina hoe fahombiazana ilay izy amin'izao andro izao, ary angamba mety maro no hiantso azy hoe "lehibe." Fa, ny tenako, izaho dia mpa—mpa—mpanao fifohazana iray. Ary ny fifohazana, resaka ara-pirenena, dia efa saiky mifarana. Ary isika dia... Tiako ny mahita fifohazana izay misy an'ireo fo mirehitra, tsy manampy mpikambana, fa fifohazana. Nanao fahagagana maro an'ny fanasitranana ny olona ny Tompontsika, ary, mazava ho azy, fa maro no voavonjy. Ary ankehitriny dia ao an-trano aho, miala sasatra vetivety, ary hiverina amin'ny asa afaka herinandro vitsivitsy, raha sitrapon'ny Tompo.

² Ary ankehitriny ity dia ho an'ny vahoaka sy ireo sakaizako maro manerana an'izao tontolo izao. Maniry aho ny hilaza izao hariva izao, ato amin'ny tabernakla... Raha ianareo, ny iray aminareo izay nanatrika ka afaka nahita, dia tena mafana izy ireo ato amin'ny tabernakla izao hariva izao. Hipoka ny olona ato anatin sy ny manodidina rehetra, mitsangana ato an-trano, ary any ivelany ao anatin'ny fiaran'izy ireo sy ny sisa, ary tena mafana ny andro, ka ho sarotra ho an'ny olona sy ho an'ny tenako koa ilay izy.

³ Saingy tonga teto amin'ity toerana ity aho izay tiako hanazavana ny dingam-potoana izay iainantsika araka ny asam-panompoana izay omen'ny Tompo ahy. Ary tiako ny handray feo an'izany avy ato amin'ny tabernakla. Tonga tao am-poko izany tamin'ny lohataona lasa teo, saingy niandry aho mandrapiveriko eto mba ahafahako manao fa—fandraisam-peo iray an'izany, mba handefa an'izany ho anareo olon'izao tontolo izao.

⁴ Teo amin'ny roa amby telopolo taona lasa teo izay, rehefa ny Tompo Jesosy, ao anatin'ny dimampolo amby zato yards eo amin'izay itsanganako manatrika ankehitriny, eto Jeffersonville

ao amin'ny Eighth sy Penn Street, ny maraina izay nametrahako ny vato fehizoro teo amin'ity tabernakla ity, izay honahona iray fotsiny. Ary nipetraka teo ampitan'ny lèlana amin'ny ankaviako mihitsy aho, talohan'ny nanambadiako izany, niara-nipetraka tamin'ny raiko sy ny reniko aho, fa ny Tompo Jesosy no namoha ahy ny maraina izay tokony hametrahana an'ilay vato fehizoro, teo amin'ny, aloha be, teo amin'ny enina ora teo. Ary efa elaela aho no nandry teo am-pandriana, niaraka tamin'ny foko feno hafaliana, nieritreritra an'io fotoana lehibe izay hanomezan'ny Tompo Andriamanitra ahy tabernakla iray hitoriana io. Mbola zazalahy kely iray aho tamin'izany. Ary tamin'io andro io aho... ilay zazavavy izay niarahako, izay ho vadiko tsy ho ela ny taona manaraka, dia tsy maintsy niaraka taminay tamin'ny andro izay tsy maintsy nametrahanay an'ilay vato fehizoro.

⁵ Ary tsaroako io maraina io rehefa nifoha aho, ary nandry tao amin'ny efitra, tao ambony mihitsy teto amin'ny Seventh Street. Nisy zavatra nanao hoe, "Mitsangàna." Dia nitsangana aho. Ary nahita aho, raha izay ilay izy, toerana lehibe iray, ary ilay izy dia tahaka ny—ny—toerana iray izay ho... renirano iray mikoriana any an-dohasaha. Ary nidina teo aho nankany amin'ilay renirano ary azoko fa ilay izy dia toerana iray nanaovan'i Jaona Mpao-batisa batisa ny olona, ary navadik'izy ireo ho tranonkisoa izany. Ary tena nokianiko mihitsy izany, nilaza fotsiny fa tsy tokony hatao izany.

⁶ Ary raha teo aho, dia nisy—nisy Feo iray niteny tamiko ka nitondra ahy niakatra, ary nahamarika an'ity tabernakla ity aho saiky eo amin'ny toerana misy azy ankehitriny mihitsy. Saingy nisy olona maro be hany ka nifanety izy rehetra ireo, tao anatin'ilay tabernakla, tao anatin'izany toerana izany, saiky ilay toerana misy azy ankehitriny. Ary izaho—faly aho, nitsangana tao ambadiky ny polipitra, nanao hoe, "Andriamanitra, tsara toy ny ahoana Ianao nanome ahy tabernakla iray."

⁷ Ary, tamin'izay fotoana izay, dia niteny tamiko ilay Anjelin'ny Tompo, ka nanao hoe, "Fa tsy tabernaklanao ity."

Dia hoy aho hoe, "Noho izany, Tompo, dia aiza ny tabernaklako?"

⁸ Ary nitondra ahy niakatra tao amin'ny Fanahy indray Izy, ka nametraka ahy tao anatin'ny ala kely iray. Ary teny an-dàlana nidina an'ilay ala kely dia nisy laharan-kazo fotsiny nitovy haavo mihitsy, tokony ho roapolo dian-tongotra ny haavony, na telopolo. Ary toy ny hoe hazo fihinam-boa izy ireo, ary tao anaty siny maitso goavana izy ireo.

⁹ Ary avy eo dia voamariko teo ankavanako sy teo ankaviako, fa nisy siny foana iray teo andaniny roa, ka hoy aho hoe, "Ahoana ny amin'ireo?"

¹⁰ Dia hoy Izy hoe, "Ianao no tsy maintsy hamboly ao anatin'ireo." Dia nisintona rantsan-kazo iray avy tamin'ilay

hazo teo ankavanako aho ka nametraka azy tao anatin'ny siny iray teo amin'ny ilany ankavanana, ary rantsan-kazo iray avy teo amin'ny ankavia ka nametraka azy tao anatin'ny siny iray teo amin'ny ilany ankavia. Nitombo haingana hatrany an-danitra izy ireo.

¹¹ Ary hoy Izy hoe, “Atsory ny tànanao ka angònny ny voany.” Ary teo amin’ny lafiny iray dia nilatsaka ny paoma mavo lehibe iray, malemy sy masaka. Ary amin’ilay lafiny hafa dia nilatsaka ny paiso mavo lehibe iray, malemy sy masaka. Dia hoy Izy, “Hano ny voany, satria mahafinaritra ilay izy.” Dia nihinana avy tamin’ny anankiray sy avy tamin’ilay hafa aho, tena matsiro. Fantatrareo ilay fahitana, voasoratra ao amin’ny iray amin’ireo boky izany, heveriko, ny *Tantaram-Piainana*, na ny *Mpaminany Mitsidika An’I Afrika*.

¹² Ary tamin’izay fotoana izay mihitsy dia nanangana ny tànako aho, ary niantsoantso ny voninahitr’Andriamanitra. Ary tampoka teo, dia nidina teo an-tampon’ireo hazo ireo io Andry Afo io, ary ny fieronana ka nanjelatra ireo tselatra, ary nitsoka tena mafy ireo rivotra, ary niendaka niala tamin’ny hazo ireo ravina. Ary njery ambany aho, indro nitsangana teo ny endrik’ity tabernakla ity, tahaka ny ipetrahany ankehitriny. Ary teo amin’ny faran’izay hisy ny polipitra, dia nisy hazo telo, ary ireo hazo telo ireo dia naka endrika hazo fijaliana telo. Ary voamariko fa voangona tao anatin’ny fehezana iray nanodidina an’ilay hazo fijaliana teo afovoany ireo paisomena sy paoma. Ary nihazakazaka tena haingana aho, nikiakiaka tamin’ny tampon’ny feoko, ary nianjera teo amin’io hazo fijaliana io, na teo akaikin’ilay hazo fijaliana, ary nanipy ny sandriko nanodidina azy. Ary nanomboka nanozongozona ny rivotra, ary ilay-ilay voankazo avy amin’ny hazo fijaliana, dia nianjera teo amboniko daholo. Ary tena faly aho, nifaly fotsiny. Dia hoy Izy hoe, “Hano ny voany, satria mahafinaritra ilay izy.”

¹³ Ary avy eo dia niantso io Afo mihodinkodina io, nanao hoe, “Masaka ny vokatra, fa vitsy ny mpiasa.” Ary hoy Izy hoe, “Ankehitriny, rehefa miverina amin’ny tenanao indray ianao, na mivoaka avy ao amin’ity, dia vakio ny Timoty Faharoa 4. Timoty Faharoa 4.” Ary noho izany dia niverina tamin’ny tenako aho. Ary nitsangana teo aho nikosoka ny tarehiko sy ny tànako. Ary tamin’izay indrindra, teo amin’ny zoron’ny efitra, namiratra avo ny masoandro, noho izany dia tsy maintsy ho teo ambanin’ilay fahitana nandritry ny ora iray na mihoatra aho, ary hoy Izy hoe, “Timoty Faharoa 4.” Ary nalaiko haingana mihitsy ny Baiboliko, ka novakiako ny Timoty Faharoa 4.

¹⁴ Ankehitriny, maniry aho ny hamaky an’izany ankehitriny. Ary na dia toa hafahafa aza ilay izy, rehefa namaky an’ity Timoty Faharoa 4 ity aho, ilay toerana izay nijanonoko, ary imbetsaka aho no nitory an’izany teto amin’ity tabernakla ity, dia toa hafahafa fa nijanona teo amin’izany foana aho.

Ankehitriny ao amin'ny Timoty Faharoa 4, ireo andininy dimy voalohany. Fa, *dimy dia isan'ny "fahasoavana."* Izao no vakiako.

Mananatra anao aho...eo anatrehan'Andriamanitra, sy Jesosy Kristy Tompo, izay hitsara ny velona sy ny maty amin'ny fisehoany sy ny fanjakany;

Torio ny teny; mazotoa, amin'ny fotoana, na tsy amin'ny fotoana; mandrese lahatra, mamporisiha, mananara amin'ny fahari-po sy ny fampianarana rehetra.

Fa ho avy ny andro izay tsy hahazakan'izy ireo ny fampianarana tsy misy kilema; fa araka ny filàny manokana ihany no hamoriany...hamoriany mpampianatra ho an'ny tenany, mangidihidy sofina;

Ary hampiala ny sofiny amin'ny fahamarinana izy ireo, ka hivily ho amin'ny anganongano.

Fa ianao kosa miambena amin'ny zavatra rehetra, miareta fahoriana, ary ataovy ny asan'ny evanjelista, ka tanteraho ny asam-panompoanao.

¹⁵ Efa mba voamarikareo ve, ary tsy voamariko mihitsy ilay izy raha tsy tamin'ny May farany teo, tsy namaky an'io Soratra io hatreto mihitsy aho? Izay ihany no hany novakiako ny amin'izany satria izany dia toy ny hoe izany—ampy izany, satria izany dia niteny tamiko mba hitory ny Teny sy hiaritra fahoriana, ary hahari-po, fa avy ny andro izay tsy hahazakan'izy ireo ny Fampianarana tsy misy kilema, fa araka ny filàny manokana no hanangonan'izy ireo mpampianatra, mangidihidy sofina, ka hivily hiala amin'ny Fahamarinana ho amin'ny anganongano. Fa, ankehitriny, tsy nilaza mihitsy Izy fa evanjelista iray aho. Hoy Izy hoe, “Ataovy ny asan'ny evanjelista.” Paoly niteny tamin'i Timoty, hitanareo. Voamarikareo ve hoe ahoana no lazainy? Tsy nilaza Izy hoe, “Ankehitriny, nantsoina ho evanjelista ianao.” Izao no voalaza hoe, “Ataovy ny asan'ny evanjelista.” Hitanareo? Ankehitriny, mahamarika isika eo arak’izany. Ankehitriny, raha hilaza amin'ny foko rehetra sy ny tsara indrindra amin'ny fahalalako aho, dia efa tanteraka ara-bakiteny izany. Marina tokoa. Ary efa telopolo taona lasa izany.

¹⁶ Ary araka ny fantattro, fa ny fahitana tsirairay izay hany Nomeny ahy dia efa tanteraka, afa-tsy ilay anankiray izay hananako fiovana iray ao amin'ny asam-panompoako, hankany amin'izay tsy maintsy hivawahako ho an'ny olona ao amin'ny toerana kely toy ny efitra kely iray ao ambanin'ny tranolay, na efitra malalaka goavana iray na zavatra iray. Ilay izy dia toy ny, amiko, mitovy amin'ny tranolay iray. Tsaroanareo ve izany, roa na telo taona lasa izay? Ny ankamaroan'izany rehetra izany dia niseho. Tsy maintsy nandeha tany Mexico aho, ary ahoana fa nanorana ny andro tamin'io alina io sy izay niseho tany. Ary niteny tamiko ny asam-panompoako ny amin'ilay Sintona

Voalohany Izy. Tsaroanareo ve ny mikasika ny nahazoana an'ilay trondro bitika kely, na tsy nahazo azy? Ilay faharoa dia trondro kely iray. Fa tamin'izay dia niteny tamiko Izy hoe, "Amin'ny Sintona Fahatelo, aza diso. Hitanareo? Ary aza miteny amin'ny olona." Miezaka manazava foana an'izay ezahako atao aho. Mampahafantatra ahy Izy mba tsy hiteny amin'ny olona an'izay ataonareo. Manao fotsiny izay Teneniny hataoko ary mamela an'izany hipetraka tsara. Hitanareo?

¹⁷ Fa izaho dia izany karazan'olona izany, tsy manana tsiambaratelo aho, noho izany dia miteny ny zavatra rehetra izay fantatro fotsiny aho. Noho izany, izany dia—manaranaka fotsiny izany, heveriko. Fa izany, miezaka aho... Tiako ny olona, ary tiako ho voavonjy mafy mihitsy ny olona hany aho ka miezaka miteny amin'izy ireo ny zavatra rehetra izay fantattro, raha tsy hoe zavatra Noteneniny tamiko mba tsy ho tenenina ilay izy, mazava ho azy, mba tsy ho diso an'izany izy ireo. Hitanareo? Tiako ho hitan'izy ireo tsara mihitsy izany hoe tsy hisy fahadisoana ao amin'izany.

¹⁸ Ankehitriny, miseho marina tokoa izany. Tsarovy ankehitriny, ilay adidy dia, raha hianatra an'izany vetivety isika, "Mananatra anao eo anatrehan'Andriamanitra aho, sy Jesosy Kristy Tompo, Izay hitsara ny velona sy ny maty amin'ny Fisehoany ao amin'Ny Fanjakany." Hitanareo? "Hitsara... Mananatra anao eo anatrehan'Andriamanitra, sy Kristy, mba ianao—mba hitorianao ny Teny." Ary mianiana aho, hatramin'ity hariva ity, araka ny ananako fahalalana ny amin'izany, dia tsy mbola nitory na inona na inona afa-tsy ny Teny mihitsy aho, hitanareo, ary nijanona tsara tamin'Izany. Efa nisy betsaka ny olana, ary nandaloo fanenjehana betsaka sy fizahan-toetra betsaka aho, tsy maintsy nisaraka tamin'ireo sakaiza sarobidy maro noho io tena filazana io mihitsy hoe, "Torio ny Teny." Ary izaho—izaho dia...

¹⁹ Tsaroanareo tamin'ilay fahitana, na, ilay famindràna kely araka ny iantsoako azy, vao haingana, izay nitondrana ahy ka nahitako an'ireo olona ireo ary njery ny tenako indray sy ireo olona an-tapitrisany rehetra ireo tany. Ary hoy aho hoe, "Te hahita an'i Jesosy aho."

Dia hoy Izy hoe, "Any ambony kokoa Izy."

²⁰ Eny, hitanareo, rehefa maty ny olona, izy ireo—tsy miakatra avy hatrany any amin'Andriamanitra izy ireo. Ankehitriny, ianareo, azoko antoka fa ho azonareo izany. Angamba tokony hazavaiko amin'ny tsara indrindra izay vitako ilay izy. Maika ve ianareo arak'izany? Ndao isika haka ny fotoantsika arak'izany ka—ka—ka hiezaka hanao an'ilay izy hazava mihitsy arak'izay vitako.

²¹ Ankehitriny, rehefa tonga isika, dia tsaroantsika fa miaina amin'ny faritra telo isika eto. Ary tsy fantattro na afaka

manonona azy ireo aho na tsia. Ny iray amin'izy ireo dia hazavana, ary ny iray hafa dia fitaovana. Tommy, tsaroanao ve hoe inona ilay fahatelo? [Milaza zavatra iray ny olona iray—Mpand.] Hah? [“Atoma.”] Atoma? [Hoy ny olon-kafa iray hoe, “Fotoana.”] Fotoana. Marina. Ankehitriny, hazavana, fitaovana, ary fotoana. Ary mifandray amin’ireo faritra ireo ny taovam-panamboloantsika dimy. Ny fahitantsika mifandray amin’ny hazavana, ny fahatsapantsika mifandray amin’ny fitaovana, sy ny sisa.

²² Ankehitriny, fa manana fifandraisana amin’ny alàlan’ny siansa isika, ilay faritra fahefatra, raha izay ilay izy. Satria tonga mihitsy manerana an’ity tranobe ity dia misy an’ireo sary ankehitriny, feon’ny radio, sary eo amin’ny televiziona, ka tsy mifandray amin’izany ireo taovam-panamboloantsika, kanefa izy ireo dia manana fa-fantsona iray na kristaly iray izay maka an’ireo onja ether ireo ary maneho azy ireo. Noho izany, hitanareeo, eto amin’ity tranobe ity mihitsy ankehitriny dia misy hetsik’olona velona, eny amin’ny habakabaka, feo velona. Eto izy ireo. Fantatsika izany. Ny fahamarinana tanteraka tokoa izy ireo. Ary ny zavatra tokana ataonareo, izy ireo—azon’izy ireo izany eo... Tsy azoko ireo mekanikan’ny—an’ireo zavatra izay noforonin’ny siansa ireo, saingy fantatsika fa izany dia manaporofo amintsika fa misy faritra fahefatra iray.

²³ Ankehitriny, ny faritra fahadimy dia izay misy ny mpanota, maty ilay tsi-mpino ary mandeha any. Ny faritra fahadimy dia ilay, karazan’ny, eny, ilay faritra mahatsiravina. Ankehitriny io olona io...

Ary rehefa maty ny Kristiana iray, dia mandeha mankao amin’ilay faritra fahenina izy.

Ary Andriamanitra no ao amin’ilay faritra fahafito.

²⁴ Noho izany ankehitriny, hitanareeo, ny Kristiana rehefa maty izy, dia mandeha eo ambanin’ny alitaran’Andriamanitra, eo amin’ny Fanatrehan’Andriamanitra mihitsy, eo ambanin’ny alitara. Ary mitsahatra izy.

²⁵ Mba hamahavahana an’izany, rehefa manofy ratsy ny olona iray, dia tsy matory tanteraka izy, na mifoha koa. Eo anelanelan’ny torimaso sy ny fifohazana izy, ary izany no manao azy hanana fangovitana sy hiakiaka mahatsiravina, satria tsy matory izy, tsy mifoha izy. Ary eo am-pandraisana an’izany, dia maneho hoe aiza no alehan’ny olona iray rehefa maty tsy niova fo izy. Niaina ny androny izy, maty teto an-tany; ary tsy afaka mandeha ao amin’ny Fanatrehan’Andriamanitra izy, satria tsy mendrika ny handeha eo izy raha tsy misy ny Râ. Ary tratra izy. Ary tsy afaka miverina eto an-tany izy, satria tapitra ny fotoany teto an-tany, ary tratra teo anelanelany izy, ary ao anaty nofy ratsy iray. Hitanareo? Tsy afaka mandeha ao amin’ny Fanatrehan’Andriamanitra izy, mba hitsahatra. Ary

tsy afaka mihemotra izy, ho tonga eto an-tany, satria tapitra ny fotoany. Ao anaty nofy ratsy iray izy, ary mijanona ao hatramin'ny andron'ny fitsarana. Zavatra mahatsiravina iray hidirana, hitanareo.

²⁶ Ary ankehitriny tao amin'io fahitana io, dia mino aho fa nakarina nankao amin'io faritra fahenina io aho, nitodika teto ka afaka nahita tany aoriane. Hitanareo, tsy amin'ny maso loatra ilay fahitana, an'ny tany izany. Fa ny fahitana dia zavatra lehibe kokoa noho ny... Ny fahitana ananan'izy ireo any, ny fifandraisany dia mihoatra lavitra noho ny fifandraisana rehetra izay mety hifandraisani'reo taovam-panambolantsika ara-boajanahary.

²⁷ Teto fotoana vitsy lasa izay no nanazavako an'izany. Nijery sary teo amin'ny sarin'ny televiziona iray aho izay nampidinan'izy ireo lehilahy iray, neveriko fa roa maily na maily iray ny halaliny tao anatin'ny ranomasimbe, ary nisy tara-pahazavana izy ireo izay nandeha. Naneho ny fiainana an-dranomasina izy ireo. Ary nandalo ny trondro, ilay zava-boahary mahatsiravina jerena. Izany, misasakalina ilay izy, ranomainty mainty any ambany any. Ary nanana phosphore izy ireo teo amin'ny orony ary tsy nanana maso. Ankehitriny, tsy maintsy fahanana izy ireo, noho izany ilay izy dia toy ny hoe, mba hahitana ny sakafon'izy ireo, dia notarihina tamin'ny taovam-panamboloana hafa iray izy ireo; tsy fahitana, satria tsy nanana maso izy ireo, tsy afaka nampiasa azy ireo tany. Saingy notarihin'ny taovam-panamboloana iray hafa izy ireo mba ahafahan'izy ireo mifandray amin'ny sakafony. Dia nieritreritra aho hoe, "Raha afaka nifehy an'io trondro kely io tamin'ny fahitako aho, dia lehibe lavitra toy ny ahoana no hahafahako mamatsy ny sakafony sy mitondra azy eo amin'ireo toerana misy, lehibe lavitra toy ny ahoana ny fahitako noho ny radarany izay ifandraisany." Hitanareo? Dia nieritreritra aho hoe, "Raha afaka mitarika azy fotsiny mantsy aho!"

²⁸ Avy eo tonga tamiko ilay izy hoe, "Raha afaka manolotra ny tenako ho an'Andriamanitra fotsiny mantsy aho, lehibe lavitra toy ny ahoana ny fahitana sy ireo taovam-panamboloan'Andriamanitra, Izay mitari-dàlana antsika mihoatra noho ireo zavatra izay hitantsika, satria ny finoana izay Omeny antsika no porofon'ireo zavatra tsy hita amin'ny masontsika." Noho izany raha tsy afaka niakatra teo anttampon'ny rano tahaka ny trondro hafa mihitsy io trondro kely io, satrianofenoina izy. Raha mampakatra azy ianareo, dia hipoaka izy. Tahaka ny tsy ahafahantsika hiakatra ambony kokoa ka tsy hipoaka. Nofenoina isika ho an'ilay—ilay toerana iainantsika.

²⁹ Fa ankehitriny raha mba afaka miakatra eto io trondro kely io ka ho izaho, dia mba te-ho lasa io trondro kely izay ao anatin'io aizin'ny misasakalina io indray ve izy? Tsy te-ho

trondro iray intsony izy, satria zavatra lehibe noho ny trondro iray izy, olona iray izy; lehibe kokoa ireo taovam-panamboloany, lehibe kokoa ny fahazoany, faratampony ny fahaizany. Noho izany dia ampitomboy folo tapitriza izany, amin'izay fotoana izay dia azonareo hoe inona izany rehefa tafafindra amin'ity ho ao amin'ny Fanatrehan'Andriamanitra ianareo any, izay misy ny olombelona lasa lavitra noho izay misy antsika eto. Tsy te-ho olombelona tahaka an'ity intsony mihitsy ianareo, ao anatin'ity trano misy pestan'ny aretina sy ny fahalòvana ity. Izany no tao am-poko, ka efa niezaka aho nandritr'ireo telopolo taona ireo hitory ny Filazantsara manerana an'izao tontolo izao, mba hiteny amin'ny olona fa misy Lanitra iray ho—ho azo ary misy helo iray halavirina, ary misy Andriamanitra iray izay tia anareo, ary he—hery manavotra izay mipetraka vonona ny handray anareo amin'ny fotoana rehetra izay hahavonona anareo handray an'izany.

³⁰ Tahaka ny olona maty an-drano, mihantona eo ny tady iray, mieritreritra izy hoe, “Eny, ilay tady, afaka nisintona ny tenako hivoaka aho, saingy tsy mendrika ny haka an'ilay tady aho.” Napetraka teo ho an'io tena tanjona io mihitsy ilay tady, mba hisintonanareo ny tenanareo hivoaka. Izany no antony nahafatesan'i Jesosy Kristy, ho an'ilay tena tanjona hamonjena an'ireo mpanota mihitsy. Ary Nasaviliviliny ilay tadin'ny Fiainana Mandrakizay, izay handalo amin'ny lohan'ny mpanota tsirairay ato amin'ity hariva ity mihitsy, ary misy famantaran'ny tongasoa iray eo aminy hoe, “Mivoaha avy eo amin'izany.” Raha—raha ianareo—raha maniry ny hanao an'izany ianareo, dia vita ny fanomanana.

³¹ Ankehitriny, rehefa nahita an'io toerana io aho sy io toerana izay nisy an'ireo olona ireo io, ary any ankoatry ny zavatra rehetra izay hany azon'ity izao tontolo izao ity eritreretina toy ny ahoana izany, be voninahitra izany. Tsy afaka nisy fahotana tany, tsy nisy fahafatesana na inona na inona afaka niditra tamin'io toerana io. Ary tsy nisy fahasamihafana teo amin'ny lehilahy sy ny vehivavy, afa-tsy ny—niala tamin'izy ireo ireo glandim-pananahana, ka tsy mety hisy fijangajangana intsony mihitsy any, na inona na inona intsony. Saingy mbola vehivavy iray foana izy araka ny endrika, ary ny lehilahy dia mbola endrika foana, ary ho tahaka an'izany mandrakizay izy ireo. Satria rehefa Andriamanitra . . .

³² Ankehitriny dia mety tsara ity, ho an'ny sasany aminareo ankizin'ny sekoly ambony izay mampianatra anareo eto momba ny fivoarana. Ankehitriny, mino ny fivoarana aho, fa tsy ny fomba izay nivoaran'ny olona avy—avy amin'ny karazana ambany iray. Miverina manohitra azy ireo ny foto-keviny manokana rehefa manandrana mampifangaro zavatra iray izy ireo, dia tsy hanaranaka ny tenany indray izany. Noho izany, hitanareo, izany—miverina manohitra azy ireo izany.

³³ Ankehitriny, mino aho fa rehefa nanomboka nampandro ny tany Andriamanitra, angamba ny zavatra voalohany Navoakany dia trondro malemilemy iray, ary avy eo amin'io dia sahona iray, ary nanoxy niakatra. Saingy, hitanareo, izany dia manakaiky kokoa sy akaiky kokoa tsy ankitsahatra mankany amin'ny endrik'olombelona, ary ny olona dia taratr'Andriamanitra iray. Ary izany no antony nahatonga ny ahitra lasa nivoatra, angamba ahitra, ary avy eo avy amin'ny ahitra no tonga ireo voninkazo, avy amin'ireo voninkazo no tonga ireo kirihiatra, avy amin'ireo kirihiatra no tonga ny hazo. Nahoana? Sary iray an'ilay Hazon'Aina mitsangana eo amin'ilay ilany hafa izany. Ary ny zavatra rehetra amin'ity ilany ity izay voajanahary ity dia alok'ilay Ivelan'ny voajanahary na ny Mandrakizay eo amin'ilay ilany hafa. Noho izany, raha mbola misy Kristiana iray nateraka indray foana eto an-tany, ka manana vatana iray tahaka an'ity eto ity isika, dia tena taratry ny anankiray izay miandry eo amin'ilay ilany hafa izany izay tsy misy fahafatesana sy alahelo. Ary izany no manao ny fontsika ho noana an'izany karazan-javatra izany. Hitanareo, misy zavatra ao anatintsika izay miantsi. Isika fotsiny... Misy zavatra miteny amintsika fa eo izany. Mino aho nandritr'ireo taona ireo... Miala tsiny eo anatrehan'Andriamanitra sy ny olona aho, amin'ny mahavendrana sy maha... nanao fahadisoana maro. Fa nandritr'ireo taona maro ireo dia efa nanana tombontsoa aho nahita olona antapitrisany maro niditra tao amin'ny Fanjakan'Andriamanitra, ary efa nankasitraka ny Tompo namela ahy hitarika azy ireo teo. Ary mino aho fa ho eo izy ireo amin'io andro io.

³⁴ Ankehitriny, tanteraka ilay fahitana. Ary ahoana no hany mba nahatonga ahy hijanona, tsy fantattro, teo amin'io andinininy faha-5 io. Izay ihany no hany novakiako. Nefa misy betsaka amboniny amin'io toko io, andinininy maro amboniny. Ankehitriny, ianareo dia afaka, ao amin'ny efifranon'ny hotelinareo na ny tranonareo izao hariva izao, vantany vao mirava isika, hamaky ny sisa amin'izany, satria manana Soratra maromaro voasoratra aho eto izay tiako hitodihana, ary naoty izay tiako hitodihana. Ary tiako ianareo hamaky azy rehefa mody. Ho tononiko ilay izy, ho eo amin'ny horonam-peo izany. Raha tianareo ny handray naoty ny sasany amin'izany, nahoana, hety tsara izany.

³⁵ Ankehitriny, mino ve ianareo fa ny lehilahy sy ny vehivavy, izay fantattro fa mino ianareo, dia tarihin'ny Fanahin'Andriamanitra hanao zavatra? Hitanareo? Ary Jesosy no modelintsika. Raha te-hanamarika an'izany ianareo, dia tiako ny hamadika, mamadiha miaraka amiko, ao amin'ny Masindahy Lioka, ny toko faha-4, iray minitra fotsiny. Ary te-haneho aminareo zavatra iray manaitra aho. Ary mba tsy hananantsika be loatra amin'ireo fanoroana ireo, fa mba ahafahanareo mamaky miaraka amiko eto, eo amin'ity anankiray ity,

mandritry ny fotoana fohy fotsiny. Masindahy Lioka, ny toko faha-4 ary ny andininhy faha-14, no anombohantsika. Diniho tsara mihitsy eto raha te-hahita zavatra hitranga ianareo ankehitriny, mirazotra ity. Mariho ankehitriny.

Ary Jesosy niverina tamin'ny herin'ny Fanahy nankany Galilia:...Izy dia niverina tamin'ny herin'ny Fanahy nankany Galilia: ary niely nanerana an'ireo faritra manodidina rehetra ny lazany.

Ary nampianatra tao amin'ny synagogan'izy ireo izy, ka nankalazain'izy rehetra.

Ary tonga tao Nazareta, izay nahabe azy izy: ary, araka ny fanaony, dia niditra tao amin'ny synagoga tamin'ny andro sabata izy, ka nitsangana hamaky.

Dia natolotra azy ny bokin'i Isaia mpaminany. Ary rehefa nosokafany ny boky, dia hitany ny toerana izay voasoratra, izay voasoratra hoe,

Ny Fanahin'ny Tompo no ato amiko, satria efa nanosotra ahy hitory ny filazantsara amin'ny malahelo izy; ary naniraka ahy hanasitrana ny torotoro fo izy, sy hitory fanafahana amin'ny babo, sy hanome fahitana ho an'ny jamba, sy hametrakta fanafahana, ho an'ireo izay nampahorina.

Ary hitory ny taona ankasitrahany Tompontsika.

Dia nakatony ny boky,...

³⁶ Ankehitriny, raha tianareo, raha mila fanondroana an'izany ianareo, dia manana an'izany aho eto, vetylity fotsiny, raha alaiko avy amin'ilay vakiny eo amin'ny sisiny eto angamba izany. Raha mahamarika ianareo, izany koa dia, ho hitanareo ao amin'ny Marka sy toerana samihafa izany, fa ao amin'ny Isaia 61:1 sy 2. Ankehitriny, tsy mahagaga ve fa nijanona teo mihitsy Izy, ary ilay tena andininhy manaraka mihitsy... Izany dia nampiharina tamin'ny Fihaviany voalohany. Ary ny faharoa, andininhy manaraka, dia ampiharina amin'Ny Fihaviany Faharoa, amin'ny fitsarana. Nijanona Izy ary nakatony ilay boky. Raha mamaky Baiboly Scofield ny iray aminareo, dia hahita naoty ambany iray eo amin'izany ianareo eo. Hitanareo? Jereo ny naoty eo ambany, marika iray ho naoty eo ambany, hitanareo, dia hahamarika ianareo eo. "Fampitahana amin'ilay—ilay hafatra voatonona, ao amin'ny Isaia 61:1 sy 2, manome ny ohatra ny amin'ny..." Fa, ny Soratra eto, mitory teny, Jesosy no tokony hitory ny taona ankasitrahany Tompo; ary ny andininhy manaraka dia mivoaka miaraka amin'Ny Fihaviany sy ny fitsarany. Hitanareo? Ary hitanareo hoe ahoana no Nijanonanhy teo amin'izany mihitsy.

³⁷ Ary ahoana fa tsy nahamarika an'izany mihitsy aho, ary ahoana fa nijanona teo amin'ity andininhy faha-5 ity foana

aho, "Fa ho avy ny andro izay tsy hahazakan'izy ireo ny Fampianarana tsy misy kilema, fa hanangona mpampianatra ho an'ny tenany, mangidihidy sofina, ka hivily hiala amin'ny Fahamarinana ho amin'ny anganongano. Fa ataovy ny asan'ny evanelista, ataovy feno porofo ny asam-panompoanao." Hitanareo? Ary nohon'ny fanampian'Andriamanitra sy ny fahasoavany dia niezaka aho nanao an'izany. Ary tiako ireo sakaizako, eto sy any amin'ireo firenena izay handehanan'ireo horonam-peo, ny antony nandraisako ny toerana izay raisiko ho an'ny Teny, dia ity no tena antony: "Torio ny Teny." Izany no antony tsy hifanarahako amin'ny iray amin'ireo fanekem-pinoana, ny iray amin'ireo anaram-piangonana, satria nirahin'Andriamanitra hijanona amin'ny Teny aho. Ankehitriny raha misy olon-kafa te-hanao zavatra hafa, dia miankina amin'izy ireo izany.

³⁸ Ary raha mahamarika ianareo, tao amin'ilay fahitana azoko mikasika an'ire-...ny asam-panompoako, dia tsy mbola nampifangaro an'ireo hazo ireo mihitsy aho. Tsy mbola nanao proselyta mihitsy aho. Tsy mbola nilaza mihitsy aho hoe, "Ianareo triniterana rehetra aoka ho an'ny tokana" na "ianareo an'ny tokana rehetra aoka ho triniterana." Namboly tao anatin'ny vazin'izy ireo manokana aho. Marina tokoa. Nandeha tany amin'ny triniterana aho, nandeha tany amin'ny an'ny tokana aho, nandeha tany amin'ny olona rehetra aho, ary nijanona teo anelanelan'izy ireo ary tsy nikambana tamin'ny iray tamin'izy ireo mihitsy; fa nijanona teo anelanelany, amin'ny maha-rahalahy iray, izay nolazain'iо fahitana io fa hatao marina tokoa. Ary nihinana ny voankazo avy amin'ireo lafiny roa aho, ny famonjena teo amin'ny lafiny roa.

³⁹ Ary ankehitriny, efa voamarikareo ve, misy olona triniterana maro mipetraka eto, misy an'ny tokana maro, ary misy ireo samihafa maro. Saingy ho kely toy ny ahoana ianareo mba hifamaly mikasika an'izany, satria raha marina io ampahany amin'ilay fahitana io, ilay ampahany hafa dia marina, ihany koa. Samy hita teo amin'ny hazo fijaliana ireo voankazo roa ireo. Hitanareo? Teo amin'ny hazo fijaliana izy roa, niara-voafehy ny rehetra, ary ny paisomena sy poara, na paiso, paisomena sy paoma dia nirotsaka teo amboniko teo. Izy roa ireo. Ny rehetra dia hita teo amin'ny hazo fijaliana, satria nino an'Andriamanitra izy rehetra sady feno ny Fanahy Masina, ary nanana an'ireo asa sy famantarana Kristiana nanaraka.

⁴⁰ Ankehitriny, tsy hisy hidiran'ny anaram-piangonana amin'izany. Ilay nateraka indray no hanana zavatra hatao amin'izany. Ny fahatsapanareo miaraka amin'Andriamanitra no hanana zavatra hatao amin'izany. Ankehitriny, mahita betsaka amin'izany isika. Manana Soratra maro aho eto izay tiako hitodihana. Angamba hitodika aho aoriana kely.

⁴¹ Fa ankehitriny dia te-hitondra anareo avy eo amin'ny andininy faha-5 aho, mitohy midina hatrany amin'ny andininy faha-18. Ary ankehitriny mba hitsitsiana fotoana, izaho—tsy ho vakiako izany. Fa ankehitriny i Paoly, manomboka eto ao amin'ny Timoty indray, raha mahamarika ianareo hoe ahoana no nanombohany niteny, mampalahelo ilay izy. Ankehitriny raha mahamarika ianareo aorian'ny andininy faha-5.

Fa ankehitriny efa vonona ny hatolotra aho, ary ny fotoako ho... an'ny fialako antomotra.

Vonona ny hiala amin'ny sehatra. Manomboka, hitanareo, “Izaho dia...” Ery, diniho. “Ny...”

...vonona aho, ary *efa antomotra ny fialako*.

Efa niady ny ady tsara aho, nahatanteraka ny fihazakazahako aho, nitahiry ny finoana aho:

Hatrizao dia tehirizina ho ahy ny satroboninahitry ny fahamarinana, izay ny Tompo, mpitsara marina, no hanome ahy amin'izany andro izany: ary tsy izaho irery ihany, fa... izay rehetra tia ny fisehoany koa.

⁴² Ary avy eo dia mandroso izy mba hiteny hoe, “Ataovy ny rehetra, ataovy ireo zavatra ireo.” Inona? Mba hitondrany an’ilay palitao. Manomboka mihitsy isika ankehitriny, ary hoy izy hoe:

...*Demasy efa nahaftoy ahy*, ...

⁴³ Tsy maintsy tonga ny fotoana iray tao amin'ny asampanompoany fony izy evanelista tanora iray, mpaminany tanora iray, nomban’ny olona rehetra azy. Fa ankehitriny dia mahamarika ianareo eto ambany eto, hoy izy hoe:

...*ny olona rehetra dia nahaftoy ahy*:... (Nohon’ny inona? Ny Teny.)

⁴⁴ Rehefa Jesosy, ilay Mpaminany tanora avy any Galilia, dia nanana fotoana iray izay nahaftozana Azy Izy. Ny olona rehetra izay mijanona amin'ny Tenin'Andriamanitra dia tonga eo amin'io toerana io izay ahafoizan'izao tontolo izao sy ny tontolon'ny fivavahana azy ireo. Namahana dimy arivo Jesosy, indray andro, ary nanangona sobika feno ny—ny sombintombiny avy tamin'ny mofo dimy sy trondro roa izy ireo. Ary ilay tena andro manaraka mihitsy, mino aho fa izay ilay izy, dia nanomboka nidina niaraka tamin'ny Teny Izy, ka nanomboka niala Taminy izy rehetra ireo. Ary njery an’ireo mpianatra Izy, ka nanao hoe, “Ianareo ve handeha, ihany koa?” Na dia ny fitopolo tamin’ireo Mpitoriteniny Manokana voatendry aza dia nandao Azy. Dia hoy Izy hoe, “Ianareo ve handeha, ihany koa?”

⁴⁵ Ary tamin'izay fotoana izay no nitenenan'i Petera an’ireo teny miavaka ireo, tamin'ny filazana hoe, “Tompo, handeha ho aiza izahay? Ianao irery ihany no manana Fiainana Mandrakizay.”

⁴⁶ Mariho. Fa tonga ny fotoana izay nahatongavan'ny fotoana ahafoizana, ary izany dia—tsy maintsy tonga izany. Tsy maintsy tonga izany. Ary ankehitriny manana mpaminany maro sy ny sisa aho eto mba hitodihana, mba hanaporofo aminareo fa tonga io fotoana io. Ary tonga izany ho ahy. Tsy ilaina ny manandrana miala manalavitra an'izany, eto izany ary tsy maintsy mandray an'izany fotsiny ianareo. Tsy niala nanalavitra an'izany izy ireo, nijoro izy ireo ka nandray an'izany, ary tsy menatra ny Filazantsara.

⁴⁷ Mariho i Paoly, “Niady ny ady tsara aho. Nahatanteraka ny fihazakazahako aho. Nihazona ny Finoana aho.” Oh, oadray! Eto ambany eto dia izao no voalaza hoe, “Niady tamin’ny bibidia aho. Ary izaho—afaka tamin’ny vavan’ny liona aho.” Ary ny zavatra izay nandehanany, dia tsara taminy Andriamanitra. Fa tonga ny fotoana izay tsy maintsy hialany.

⁴⁸ Ankehitriny, ndao isika hanontany fotsiny, nahoana ny lehilahy iray, mpitoriteny iray, mpiara-miasa tahaka an'i Demasy tamin'i Paoly, no hany nandao an'i Paoly?

⁴⁹ Fantatrareo Rahalahy Baxter, maro aminareo no mahatsiaro azy. Namaky teny izy taloha... Mikasika an'i Demasy ilay izy. Hoy izy hoe, “Fantatrao ve izay hataoko, Rahalahy Branham, rehefa tonga any An-danitra aho, ny zavatra voalohany hataoko?”

Dia hoy aho hoe, “Inona?”

⁵⁰ Hoy izy hoe, “Hiakatra avy hatrany aho ka hitady an'izay misy an'i Demasy, handronjina azy mafy mihitsy arak'izay vitako aho.” Ary hoy izy, “Hitodika izy ka hanao hoe, ‘Baxter, ho an'ny inona no nanaovanao an'izao?’” Hoy izy hoe, “Nahoana no nilaozanao i Paoly kely mampalahelo rehefa nandao azy ny olona rehetra?” Tsy manoro hevitra ho an'izany aho, tsy mino aho fa banana ady izy ireo any ambony any, fa nieritreritra fotsiny mikasika an-dRahalahy Baxter nilaza an'izany aho satria nahatsapa ho nalahelo mafy an'i Paoly izy.

⁵¹ Eny, inona no nataon'i Paoly? Nitory teny tamimpahatokiana arak'izay vitany izy, ary teo aminy ny Fanahy Masina. Ary rehefa nanoratra izy eo mikasika an'ireo ramatoa mpitoriteny ireo sy ny sisa, dia neveriko fa nisy fipoahana iray teo. Hoy izy, “Aoka hangina ny vehivavy ao am-piagonana, fa tsy avela hiteny izy ireo,” ary tany am-ponja mihitsy izy tamin'io fotoana io.

⁵² Azonao neverina ve izay nolazain'ny sasany tamin'ireo eveka ireo? “Hah! Io lehilahy io tany am-ponja, inona no idirany hanoratana amintsika eto? Hitanareo? Ary manana an'i Timoty izy, mpiboboka divay, miaraka aminy. Ary noho izany dia indro izy any ambony ankehitriny, izay mamahana divay an'i Timoty, ary indro mipetraka ao am-ponja izy, ka manoratra,

miteny amintsika an'izay tokony ho tenenin'ny Fanahy Masina amintsika mba hatao."

⁵³ Fa hoy izy hoe, "Raha...Inona? Avy aminareo ve no nihavian'ny Tenin'Andriamanitra, ary avy aminareo ihany ve no Nahatongavany? Raha misy olona mihevitra ny tenany ho arapanahy na mpaminany iray, aoka ho fantany fa izay soratako dia ny Didin'ny Tompo." Hitanareo?

⁵⁴ Hitanareo, tonga ny fotoana, ry sakaiza. Ary tiako ny olona ao amin'ny firenena izay andehanan'ireo horonam-peo, hahatsiaro fa tsy maintsy tonga ny fotoan'ny fisarahana. Tsy maintsy manao an'izany ilay izy. Tsy fantattro hoe hatraiza aho amin'ny andro farany, ny faran'ny lâlako. Tsy fantattro. Miankina amin'Andriamanitra izany. Tsy fantattro hoe inona ny ampitso, ary iza... Tsy fantattro izay hazominy, fa fantattro hoe Iza no mihazona azy. Noho izany dia eo no iorenan'ny finoako, eo amin'izany.

⁵⁵ Ankehitriny, heveriko fa tsy nandao azy i Demasy ka nanomboka nankany amin'ny toeram-pandihizana amin'ny alina. Tsy mihevitra aho fa nanao an'izany i Demasy, satria lehilahy feno ny Fanahy i Demasy. Mpanampy lehibe iray izy. Raha mba naka ny tantaran'i Demasy ianareo, dia mpitory teny miavaka iray izy, lehilahy voakolokolo, tena mamiratra, nianatra. Lehilahy iray nanan-tsaina izy. Fa nahoana izy no nahafoy an'i Paoly? Izany ilay zavatra. Inona no nahatonga azy hanao an'izany, nahafoy an'i Paoly? Tsy mino aho fa te-handeha any amin'ny toeram-pandihizana amin'ny alina izy na inona na inona. Saingy mino aho fa Andriamanitra no nanasaraka an'i Paoly. Ankehitriny heveriko fa i Demasy...

⁵⁶ Ndao raisintsika ny sasany amin'ireo eritreritr'i Demasy. Raha nipetraka teny ambonin'ny havoana aho, nanontany indray andro, teo amin'ny misandratr'andro, ary nieritreritra aho hoe, "Nahoana i Demasy no te-handao an'io lehilahy io? Nahoana izy no nandao an'ilay mpitory teny kely mahanttra izay nitarika azy nankeo amin'ny Tompo, ilay lehilahy izay lohalefon'ny fifohazana teo anivon'ny Jentilisa, mpaminany iray tokoa?" Tsy nisy olona afaka nilaza hafa afa-tsy hoe mpaminany iray izy. Mihoatra noho ny mpaminany izy, apostoly iray izy, ary apostoly lehibe sy mahery ho an'ny Jentilisa. Ary niara-niasa tamin'i Paoly i Demasy, nanana fiombonana, ary nahita ny Fanahin'Andriamanitra nihetsika teo amin'io lehilahy io. Ary nahoana izy no nanatodiaka ny lamosiny tamin'ny olona iray tahaka an'izany, efa voamarina fa mpanompon'i Kristy izy? Efa voamarikareo ve i Paoly eto, "Fitiavana an'izao fiaainana izao." Ankehitriny, tsy mihevitra aho fa niverin-dâlana i Demasy. Tsy mihevitra aho fa nanao an'izany izy. Nefa heveriko fa izy—nahazo an'ilay hevi-diso mikasika an'i Paoly izy.

⁵⁷ Ankehitriny, avy tamin'ny fianakaviana iray manan-karena i Demasy ary nanan-karena izy, ary ny vola indraindray dia midika ho fivavahana amin'ny olona. Araka ny lazain'izy ireo any California hoe, "Raha tsy manana Cadillacs telo ianareo, dia tsy ara-panahy." Koa izany dia midika hoe, fa raha tsy mahomby ianareo, raha tsy manana an'ilay fiangonana tsara indrindra izay misy ao an-tanàna ianareo, dia tsy handeha ny olona. Saiky tahaka an'izany ilay izy eto, Poogh. Ianareo, tsy maintsy manana an'ilay fiangonana tsara indrindra eto amin'ny firenena ianareo, raha tsy izany dia hoy izy ireo hoe, "Ianareo, oh, ny tianareo lazaina ve dia hoe nikambana tamin'ny andiany kely tahaka an'izany ianareo?"

⁵⁸ Fantatrareo ve fa tsy nanana toerana iray hametrahana ny Lohany ny Tompontsika? Fantatrareo ve fa palitao tokana ihany no Nananany? Hitanareo? Ary Izy dia... Karazan'olona iray voatositosika fotsiny Izy. Ary tsy nanana toerana hametrahany ny Lohany Izy. Fa afaka nieritreritra an'ilay zavatra iray ihany izy ireo, ary nanao, mikasika Azy.

⁵⁹ Ary, ankehitriny, mino aho fa tsy nahita fahombiazana i Demasy, toa tahaka an'izany, tao amin'ny asam-panompoan'i Paoly. Heveriko fa nieritreritra izy hoe vita tanteraka ny amin'ilay lehilahy antitra, teo anatrehan'Andriamanitra. Ankehitriny, nihevitra izy fa hanongotra ny masonry ny olona mba homena an'i Paoly...

⁶⁰ Ankehitriny, Paoly no nilaza an'izany, hoy izy hoe, "Ianareo dia, fara-fahakeliny, ho nanongotra ny masonareo, mba hanome azy ireo ho ahy." Satria, Paoly, mihevitra isika, dia nanana maso ratsy, satria hoy izy, "Nanoratra tamin'ireo litera goavana tahaka an'izao aho." Hoy izy hoe, "litera goavana," fa izaho manana ny—ny lexicon, ary izany dia milaza hoe, "amin'ireo litera goavana." Tany Roma izy, tany am-ponja tany. Nisy zavatra tsy nety, nilaza izy fa efa nanelingelina azy ny masonry hatramin'ilay fahitana avy any An-danitra. Noho izany izy... Ho nanongotra ny masonry ny olona, nahita an'i Paoly njaly, ny masonry nanelingelina azy, ary njaly izy. Ary nangataka tamin'ny Tompo izy mba hanasitrana azy, in-telo. Ary hoy izy, "Fandrao hirehareha nohon'ny habetsaky ny Fanambarana aho, dia nisy iraky ny devoly nirahina nankaty amiko mba ahafahany hamely ahy." Ankehitriny, mety ho tsara mihitsy ilay izy, avy eo dia mamely azy indray. Avy eo dia nety tsara izy, ary namely azy indray.

⁶¹ Hitanareo, Paoly dia nanana asam-panompoana lehibe kokoa noho ny sisa rehetra tamin'ireo apostoly atambatra miaraka. Mety ho nilaza ny sasany tamin'izy ireo hoe, "Eny, izaho nandeha niaraka tamin'i Jesosy." Nahoana, nisy olona teny an-dàlambe nandeha niaraka Taminy fony Izy teto. Fa Paoly dia nahita Azy tao anatin'ny Andry Afo rehefa avy maty Izy, nalevina, nakarina nankany An-danitra, ary niverina

dia niantso an'i Paoly, hitanareo, hitanareo, teny an-dàlana nankany Damaskosy. Ary izy no nanana asam-panompoana lehibe kokoa noho i Matio, Marka, Lioka, na ny iray tamin'ireo hafa ireo. Nihoatra lavitra azy ireo izy. Ary hoy izy hoe, "Fandrao mirehareha aho ankehitriny ka manao hoe, 'Ankehitriny, tsy mahafantatra na inona na inona mikasika an'Izany ianareo lehilahy. Izaho dia nahita ny Tompo *taorian*'ny Fitsanganany."

⁶² Eny, hoy izy ireo hoe, "Izahay dia nandeha niaraka Taminy." Eny, toy izany koa no nataon'ireo olona rehetra tany Galilia sy Nazareta ary nanerana ny faritra tany ireo. Nandeha niaraka Taminy izy rehetra.

⁶³ Saingy, hitanareo, i Paoly dia niresaka Taminy ary nahita Azy tao amin'ny endrika izay naha-izy Azy talohan'ny nahatonga Azy ho nofo. Hitanareo? Ary naniraka an'i Paoly tao amin'io toe-javatra io Izy, fony Izy tao amin'io Hazavana io. Naniraka an'i Paoly Izy. Ary—ary nahita Azy i Paoly. Ary hoy izy hoe, "Fandrao mirehareha aho, mahatsapa ho ambony kely kokoa noho ny sasany aminareo rahalahy, dia nomena ahy ny iraky ny devoly iray," izany no mihazona azy hietry. Ary hoy izy hoe, "Intelo aho no nitady ny Tompo mba hanala an'izany amiko. Fa hoy Izy hoe, 'Saoly, na Paoly, ampy ny Fahasoavako.'" Avy eo dia hoy Paoly hoe, "Hirehareha amin'ny fahalemeko aho, satria rehefa malemy aho dia amin'izay fotoana izay aho no mahery. Hitanareo, hirehareha ao amin'izany aho!"

⁶⁴ Ankehitriny, efa voamarikarevo ve? Ankehitriny, lehilahy iray izay nanana asam-panompoana lehibe noho ny sisa tamin'izy ireo izay teny amin'ny saha, Paoly, ilay asam-panompoana lehibe indrindra tamin'izy rehetra, izay efa nahita an'i Jesosy tao amin'ny Andry Afo iray, ka naniraka azy hanao an'izay nataony, ary nohamarinin'ilay Andriamanitra iray ihany, sy ilay Hery iray ihany, tamin'ny famantarana sy ny fahagagana any ankoatry ny fisalasalana rehetra; ary tena nahantara ka palitao anankiray ihany no nananany, nitory teny tamin'ny andian'olona izay ho nanongotra ny masonry, ary ny sasany tamin'izy ireo dia mpanapitrisa. Kanefa dia palitao anankiray no nananany'i Paoly. Hoy izy hoe, "Ento io palitao io, miha-mangatsiaka ny eto." Tany amin'ny faritry ny tendrombohitra izy. Palitao anankiray ihany no nananany.

⁶⁵ Ary Demasy, ho an'ny lehilahy iray izay ambony toerana, avo lenta, voakolokolo, nianatra, ary lehilahy manan-karena izay nanana akanjo fisolo maro, "Io zalahy io, nisy zavatra tsy nety taminy. Nanana sakaza maro be io izay ho nanongotra ny masonry mba hanome azy an'izany, kanefa tena nahantara izy ka palitao anankiray no nananany. Nisy zavatra tsy nety tamin'i Paoly."

⁶⁶ Oh, fantatrareo, tsy miala amin'izao tontolo izao io fanahy io, mbola manana an'izany foana izy ireo. Tsy ny vola no

Andriamanitra. Iray ihany no Andriamanitra. Hitanareo? Fa ny olona dia mihevitra hoe satria manana asam-panompoana goavana iray ianareo dia tokony banana an'ity rehetra ity sy *ity* rehetra ity, ary ireo zavatra goavana be rehetra ireo, sy ireo sekoly goavana sy *izao-sy-izao* goavana. Tsy mifanaraka amin'ireo zavatra ireo Andriamanitra. Na, fara-fahakeliny, izany no hevitro. Andriamanitra dia mifanaraka amin'ny isambatan'olona iray. Tsy nanendry antsika handeha hanao zavatra tahaka izany mihitsy Izzy.

⁶⁷ Fa i Paoly, niaraka tamin'ny palitao anankiray, ary miteny amin'i Timoty izy eto mba hitondra an'izany ho any aminy satria nangatsiaka ny andro tany. Ah-hah. Lehilahy iray izay nanana asam-panompoana iray izay nitory teny tamin'ny an'alinalina izay nataon'i Paoly, ary asam-panompoana iray izay afaka nanao an'ireo karazana fahagagana rehetra, ary nahita an'i Jesosy tao amin'ny Andry Afo iray, naniraka azy, kanefa palitao anankiray no ananana. Hoy i Demasy hoe, "Lehilahy iray tahaka an'izany," niala taminy izy.

⁶⁸ Ankehitriny, rehefa teto ambony teto izy nitory teny tany Troasy, dia hitantsika fa nisy lehilahy iray tany izay mpanefy varahina iray. Ary karilahy iray izy. Ary nankahala ny Kristianisma izy. Ary nataony tamin'i Paoly ny zavatra rehetra izay azony natao taminy, nanao azy tao an-tranomaizina, ary ny tsirairay-...mampitandrina an'i Timoty ny amin'ilay zavatra iray mihitsy aza i Paoly hoe, "Tandremo io zalahy io." Ary indro i Demasy! O Andriamanitra, aoka ho ren'ny olona izany! Indro i Demasy nitsangana teo akaikin'ny lehilahy iray nanisy fahajambana lehilahy iray, satria nifamaly taminy. Ankehitriny, ianareo mpitoky tenin'ny Fianganon'i Kristy, anaovy ny palitaonareo ankehitriny. Nisy anankiray niteny tamiko indray mandeha, nanao hoe, "Asio fahajambana aho! Asio fahajambana aho! Manana ny Fanahy Masina ianao, asio fahajambana aho."

Hoy aho hoe, "Efa jamba ianao." Hitanareo?

⁶⁹ Ankehitriny, nahoana i Paoly no tsy nanisy fahajambana an'ilay mpanefy varahina? Io karazana fanahy iray io ihany izay eo amin'ny olona izay mihevitra an'izany, no zavatra iray ihany teo amin'i Demasy. Lehilahy afaka nanisy fahajambana lehilahy iray, satria nifamaly taminy, nefy avy eo dia niverina ka namela mpanefy varahina iray hanimba ny asam-panompoany tao antanàna. Tsy isalasalana fa hoy i Demasy hoe, "Izy, vita tanteraka izy, veriny ireo fanomezam-pahasoavany rehetra. Izy dia—veriny ireo fanomezam-pahasoavany manisy fahajambana."

⁷⁰ Tsy hitanareo ve hoe ahoana fa mbola velona foana io fanahy io, manao hoe, "Vita tanteraka ianao, rahalahy"? Oh! Izany—mandeha eo ambonin'ny lohan'ny olona fotsiny izany. Tsy azon'izy ireo fotsiny izany, izay ihany no misy amin'ilay

izy. Hitanareo? Tsy afaka mahita an'izany fotsiny izy ireo. Hitanareo? Tsy mahazo izy ireo.

⁷¹ Ankehitriny i Demasy...tsy nasiandy fahajambana io lehilahy io satria nila an'izany izy. Tsy nilaza ve Jesosy hoe, "Tsy manao na inona na inona Aho raha tsy ny Ray no maneho Amiko aloha"? Tsy efa niteny taminareo taona maro lasa ve aho izay, niaraka tamin'ny reniko manokana izay nandry, teo am-pahafatesana, ary nanao hoe, "Bill, inona ny vokany ho ahy?" Tsy afaka nilaza na inona na inona aho raha tsy Andriamanitra no nilaza an'izany aloha. Ary izay mihitsy no nitranga. Ny olona dia tsy afaka, ny olona dia tsy fahombiazana iray eo am-panombohana. Mpiasa iray izay iasan'Andriamanitra fotsiny ihany izy, ary Andriamanitra no manatantekala ny Sitrapony Manokana. Fa rehefa mahita an'ireo olona mamiratra ireo ianareo izay manana foana an'ity sy itsy ary ny *hafa*, dia tsaratsara kokoa aminareo ny miala lavitra an'izany. Hitanareo? Tsy nanao an'izany Jesosy Izy tenany. Hoy Izy hoe, "Miasa fotsiny ihany tahaka ny iasan'ny Ray Aho. Izy no maneho Amiko an'izay hatao ary avy eo Aho vao mandeha manao an'ilay izy. Izaho tsy afaka manao hafa...na inona na inona hafa ankoatran'izany."

⁷² Ary hitan'i Demasy i Paoly eto, lehilahy nanana asam-panompoana iray tahaka an'izany, kanefa tena nahantra ka palitao anankiray ihany no nananany, ary tiany ho entin'i Timoty nankany aminy izany. Palitao iray! Fa, nametraka an'ilay ohatra tahaka an'i Kristy i Paoly, nanana palitao anankiray Izy. Noho izany dia nahoana no midika betsaka amin'ny olona ireo harena sy vola betsaka sy ny sisa amin'izao andro izao? Mariho ankehitriny. Ary nanana fahefana izy hany ka, ny olona iray izay nanohitra an'izay notoriandy, dia nitodika izy ka nanao hoe, "Ho jamba ianao mandritra ny vanim-potoana iray." Dia jamba ilay lehilahy.

⁷³ Ary indro nisy mpanefy varahina, nanao impolo taminy an'izay nataon'io lehilahy io, kanefa afa-niala tamin'izany izy. Tsy mantsy nieritreritra i Demasy hoe, "Eny, hitanareo, efa vita tanteraka ilay lehilahy antitra ankehitriny. Veriny ny asam-panompoany." Tsia, tsia, tsy nahavery ny asam-panompoany izy, tsia mihitsy. Tsy manao zavatra tahaka an'izany Andriamanitra. Tsy Indiana mpanome iray Andriamanitra. Hia. Mariho ankehitriny.

⁷⁴ Paoly dia zavatra tao amin'ilay laharana tahaka an'i Elia. Niakatra tany an-tendrombohitra i Elia mpaminany nohon'ny fanirahan'Andriamanitra, ary niantso afo hilatsaka avy tany An-danitra, dia nilatsaka izany. Ary niantso rano izy, dia tonga izany. Ary avy eo dia nandidy tamin'ny alalan'ny hafatr'Andriamanitra izy ka namono mpisorona efajato, notapahiny ny lohan'izy ireo, namela azy ireo hikodiadia teny amin'ny havoana; ary avy eo dia nandositra

tamin'ny fandrahonan'ny—ny vehivavy iray, vehivavy mpihatsaravelatsihy kely iray, na, tsy mahatoky iray izy. Jezebelo, io vehivavy kely iray io no mpibaiko ny kely tsirairay amin'izany, izy no anankiray nahatonga an'izany. Toy ny hoe izy no tokony nahazo ny azy aloha. Fa manana fomba fanaovana zavatra Andriamanitra, ary ireo Mpanompony irery ihany no afaka miasa arak'izany raha miasa araky ny sitrapon'Andriamanitra izy.

⁷⁵ Tsy hitanareo ve, ry sakaiza, fa tsy maintsy mihetsika araka ny fomba ihetsehan'Andriamanitra ianareo. Impiry aho no efa nипетрака tao amin'ny filan-kevitry ny rahalahy, ary toy ny ahoana no nitiavako hanatona sy handray ny tànan'izy ireo ka hanao hoe, "Rahalahy, tsy manao fahasamihafana izany, ndao isika ho mpirahalahy hatrany fotsiny." Ahoana no ahafahako manao an'izany sy mihazona ny fanirahana ahy hoe, "Torio ny Teny"? Tsy te-hanao izany izy ireo.

⁷⁶ Nitsangana teo anivon'ireo mpitoriteny aho, ka hoy izy ireo hoe, "Rahalahy Branham, iry ny nenitoako. Fantattro fa mpaminany iray nirahina avy tamin'Andriamanitra ianao. Mandehana mankeo ka avereno ny fahitany." Maniry aho ny ho afaka, dia ho nataoko izany. Tsy afaka manao an'izany aho raha tsy Izy no miteny amiko hanao an'izany. Hitanareo? Tsy nisy olona afaka hanao izany. Tsy afaka nanao an'izany i Elia, tsy nisy olon-kafa afaka nanao an'izany.

⁷⁷ Hitantsika ankehitriny fa i Paoly...nitory teny niaraka tamin'i Paoly i Demasy, nahita an'i Paoly njery lehilahy kilemaina nandry teo, ka hoy izy hoe, "Hitako fa manam-pinoana ho sitrana ianao. Mitsangana! Jesosy Kristy no manao anao ho salama." Nahita azy nanasitrana ny marary, kanefa navelany narary i Teofilo sakaizany.

⁷⁸ "Nahavery ny asam-panompoany i Paoly." Izany no tsy maintsy noeritreretin'i Demasy. "Nahoana izy no tsy nanao, raha nanana fanomezam-pahasoavan'ny fanasitrana iray izy, nahoana izy no tsy nandeha tany ka nanasitrana an'io namana izay nijoro teo akaikiny tena nahatoky io? Hoy izy hoe, 'Nilaozako izy narary tany. Ary tsy manana palitao aho, ka tiako ianao hitondra an'io palitao io ho ahy. Ary mitandrema tsara, ilay mpanefy varahina, nanimba fotsiny an'io favoriana tao antanàna io izy. Tsy maintsy niala an'ilay tanàna aho. Nametraka ahy tao am-ponja izy.'" Heveriko fa hoy i Demasy hoe, "Nivadika ho karazana mpitory teny iray inona izy?" Hah?

⁷⁹ Ary, rahalahy, manana betsaka amin'ireo fanahin'i Demasy ireo izy ireo eto amin'izao tontolo izao amin'izao andro izao. Tsy fantatr'izy ireo ny mikasika an'izany rehetra izany. Hitanareo? Tsy ilaina ny miezaka manazava an'izany amin'izy ireo, satria tsy ho azon'izy ireo izany na ahoana na ahoana. Hitanareo?

Hitanareo? Ny mpanompon'i Kristy iray dia manaraka an'ireo Dian-tongotra.

⁸⁰ Iray amin'ireo diakonantsika eto, tsy fantattro na eto izy izao hariva izao na tsia, izany dia i Tony Zabel. Mazàna izy no eto. Dia nanatona ahy izy ary nilaza teto vao tsy ela akory izay talohan'ny nananany... nahatongavany teto, hoy izy hoe—hoy izy hoe, "Izaho—nahazonofy iray aho, nofy hafahafa iray." Hoy izy hoe, "Izaho—nanonofy aho fa niezaka nitady ny lâlako niakatra ho any An-danitra." Hoy izy hoe, "Nahita lehilahy iray tonga nanao akanjo mainty aho ary na—na—namaky boky iray." Dia hoy izy, "Izaho—nanatona an'io lehilahy io aho, ary nanontany azy hoe, 'Lâlana iza no mankany An-danitra?' Dia hoy izy hoe, 'Anontantio ilay lehilahy eo alohako.'" Ary izany dia pa—pasitera tao amin'ny fiangonana iray izay nandehanany.

⁸¹ Nandeha lavidavitra kely izy ary nifanena tamin'ny lehilahy iray hafa, nanao akanjo mainty izy ary nihira hira, nanohy nandeha. Ary pasitera hafa iray koa izany. Samy sakaizako manokana ireo pasitera roa ireo. Ary hoy izy... Ary lehilahy tsara. Dia hoy izy hoe, "'Lâlana aiza no hiakarako eo amin'ilay tampon'ny tendrombohitra eto?' Hoy izy hoe, 'Jereo eto.' Hoy izy, 'Hitanao, mitsangana ery amin'ny tampony ambony ery, io zalahy bitika kely io?' Hoy aho hoe, 'Eny.'" Hoy izy, "Nitsangana teo ny zalahy iray nanao akanjo fitondra miasa akanjo lava, nanao satroka cowboy kely." [Elanelana tsy voaraki-peo—Mpand.]

⁸² Hoy ny olona iray, tany Kentucky, nanao hoe, miresaka mikasika ahy tany, hoy izy, "Io zalahy io dia mitovy amin'ny zavatra rehetra afa-tsy amin'ny mpitoky teny iray." Mety hitovy amin'ny mpamboly iray na zavatra, fa—fa, fantatrareo, tsy izay miseho no izy.

⁸³ Ary nilaza fa izaho no nitsangana teo. Ary izy—niakatra izy mandra-pahatongany teo amiko, ary nilaza fa noraisiko tamin'ny sandry izy ka notarihiko niakatra mandra-pahatongako teo an-tampon'ilay havoana. Ary nisy an-efitra iray tsy maintsy nandalovana. Dia hoy aho hoe, "Tony, tsy maintsy avelako eto ianao ary tsy maintsy mandeha irery ianao amin'ny sasany amin'ity."

Hoy izy hoe, "Rahalahy Branham, inona no azoko atao manomboka eto?"

⁸⁴ Hoy aho hoe, "Avia eto, Tony, jereo ery ambany. Hitanao ve ireo dian-tongotra tsy nisy kiraro misy Rà ao anatiny ireo?" Hoy aho hoe, "Izany no narahiko hatramin'izay. Mijanôna eo amin'Izany fotsiny." Izay ihany no zavatra tokana fantattro hatondro ny olona; tsy mankany amin'ny fanekem-pinoana iray na karazana fientanam-po iray, fa ho an'ireo Dian-tongotra feno rà izay mitarika mankany amin'ny Baiboly, ny Ràn'i Jesosy Kristy.

⁸⁵ Ankehitriny, ahoana no tsy maintsy tsapan'io lehilahy io, lehilahy iray manana sakaiza mpanapitrisa maro be, nefà palitao anankiray. Lehilahy iray izay . . . nanana fahefana hanisy fahajambana lehilahy iray, nefà namela lehilahy iray handroaka azy hiala ny tanàna. Tsy nanao zavatra iray mikasika an'izany mihitsy, nitsangana ary lasa nivoaka. Nivavaka ho an'ny marary nefà namela ny sakaizany narary. Ary nandao azy i Demasy. Nandao azy ny sisa rehetra tamin'izy ireo. Nandao azy izy rehetra. Hoy i Paoly hoe, "Nandao ahy ny olona rehetra." Nandao azy ny tsirairay avy tamin'izy ireo.

⁸⁶ Milaza an'izao aho. Rehefa mijoro mahatoky amin'ny Teny ny olona iray, tsy ao amin'ny favoriana anankiray fotsiny, fa ao amin'ny favoriana tsirairay, rehefa mijoro mahatoky amin'ny Teny ny olona iray, dia ho tonga ny fotoana izay handaozan'izy ireo azy. Marina tokoa. Nataon'izy ireo izany. Nataon'izy ireo tamin'ny Tompontsika izany. Hilaozan'izy ireo izy rehefa mijoro ho an'ny Fahamarinana. "Ny olona rehetra efa nahafoy ahy." Ary ankehitriny inona no heverinareo ho noeritreretin'i Demasy sy ny sasany tamin'ireo olona ireo rehefa fantatsika rehetra, izay mahafantatra ny Soratra, fa dokotera iray i Lioka, ary i Paoly, na taiza na taiza nalehany, dia nitondra an'io dokotera io niaraka taminy? Ary nitory ny fanasitranana avy amin'Andriamanitra, nefà namela ny namany narary. Tena nahantra izy, nanana palitao anankiray. Ary namela lehilahy iray handroaka azy hiala amin'ny tanàna, nefà afaka nanisy fahajambana lehilahy iray izy. Hitanareo, noheverin'izy ireo fa vita tanteraka izy. Fa tsy vita izy! Tena tao amin'ireo Dian-tongotra feno rà izy. Nanohy nanaraka izy. Manantena aho fa mahazo ianareo. Hoy izy hoe, "Ny olona rehetra efa nahafoy ahy."

⁸⁷ Demasy, tia an'izao fiaainana izao, lazan'ny olona. "Akory, Dokotera Demasy. Fantatro fa nahazo ny Ph-nao ianao!"

⁸⁸ Oh, azo antoka, tian'izy ireo izany. Hoy Jesosy hoe, "Toy ny ahoana no itiavanareo mitsangana ao amin'ny synagoga, ka antsoina hoe 'Raby,' sy ny sisa." Hoy Izy, "Mahazo fanamelohana bebe kokoa ianareo." Hitanareo?

⁸⁹ Ankehitriny, fantatsika fa rehefa nahita an'io dokotera io nanaraka azy izy ireo, na niaraka taminy, ary nitondra an'i Lioka i Paoly, nilaza, hoy izy hoe—hoy izy eto hoe, "Lioka dia—Lioka irery ihany no tsy nahafoy. Ary i Lioka dia—dia tsara aminy. Saingy, i Lioka dia nambinina nohon'ny taminy. Mila an'i Lioka Izy ho an'ny asam-panompoany." Ary ity dokotera ity dia nanaraka lehilahy iray na taiza na taiza nalehany, ary nitory ny fanasitranana avy amin'Andriamanitra. Ary ny lehilahy iray izay nitory ny fanasitranana avy amin'Andriamanitra dia afaka nanasitranà ny nalemy sy nanangana ny maty, sy ny zavatra hafa rehetra, sy mahita fahitana lehibe, sy miteny zavatra izay hiseho, nefà namela ny mpiara-miasa taminy manokana harary. Ary afaka nanana dolara iray tapitrisa sy nanorina tranobe

mitentina an'aliny dolara, ary sekoly goavana sy ireo zavatra tahaka an'izany, nefy tsy nanana afa-tsy palitao anankiray hapetraka teo an-damosiny.

⁹⁰ Hoy i Demasy hoe, “Tsy miara-miasa amin’ny zalahy iray tahaka an’izany aho. Izy fotsiny dia... Kilasin’olona ambany izy. Handeha hiaraka amin’ireo rahalahy ara-anaram-pianganana aho. Handeha any amin’izay haha-olona iray ahy aho.” Raha zavatra iray tahaka an’izany, dia tiako ny handeha, ary aorian’ny ahavitan’i Baxter avy hatrany, hitanareo, nohon’ny nandaozany an’io zalahy kely mahantha io tao amin’io toerana io. Tokony nitsangana teo akaikiny izy. Paoly no anankiray izay nitarika azy teo amin’i Kristy. Saingy, hitanareo, izany no tsy manana fahafantarana ny Fanahy, mahafantatra hoe inona no sitrapon’Andriamanitra, avy eo dia manao ny sitrapon’Andriamanitra. Hitanareo? Ankehitriny, saingy teo no namelany azy tao anatin’io toerana io. Nandao azy! Nahafoy azy ny olona rehetra.

⁹¹ Toy ny ahoana no ieritreretako an’izany! Ahoana fa ny mpanompo iray izay hitsangana mahatoky amin’ny Teny, na ho ela na ho haingana, tsarovy fotsiny, dia hahafoy azy ny olona. Ankehitriny dia tiantsika ny hikapoka an’izany mandritry ny minitra vitsy fotsiny, ary tsy hitazona anareo ela loatra aho ankehitriny, satria tiako ho eto ianareo amin’ny maraina. Isan’andro rehefa mitsangana mahatoky amin’ny Teny ny mpanompon’Andriamanitra, dia mahafoy azy ny rehetra. Ary izany... Ankehitriny, raiso fotsiny na aiza na aiza tianareo, amin’ny fotoana rehetra ao amin’ny Baiboly na ao amin’ny tantara, fa rehefa nijanona nahatoky ny lehilahy iray, tsy mampaninona na nalaza toy ny ahoana aza izy, rehefa nijanona nahatoky tamin’ny Teny izy, dia tonga ny fotoana nahafoizan’ny tontolon’ny fivavahana azy sy nanaisotra azy. Ankehitriny, vakio fotsiny izany, raha maka ny Baiboly avy amin’ny Genesisy hatrany amin’ny Bokin’ny Apokalypsy ianareo, ary alaivo ao amin’ny *Pre-Nicene Council* ary ento midina hatrany amin’ny *Nicene Fathers*, ary ny olona tsirairay, ny olo-masina tsirairay, ny mpaminany tsirairay, ny mpanompon’Andriamanitra mahatoky tsirairay izay nijanona tamin’ny Teny, dia nafoin’ilay zavatra ara-pivavahana ka nolavina. Ary i Paoly no anankiray tamin’izy ireo.

⁹² Ary raha misy anankiray amin’izao andro izao, dia ho ilay zavatra iray ihany izany. Izany marina tokoa no fahamarinana. Tsy maintsy tonga eo amin’io toerana io ianareo. Tsy maintsy tonga izany. Mihevitra izy ireo fa ny lehilahy iray izay hanana asam-panompoana tahaka an’izany, dia tokony hanana an’izao tontolo izao eo ambanin’ny ankihibeny izy. Tokony izy, saingy tsy ho tonga eo ambanin’ny ankihibeny izy ireo. Hitanareo? Ary ny lehilahy iray tahaka an’izany dia tsy hametraka asam-panompoana iray, na tontolo iray eo ambanin’ny ankihibeny;

apetrany eo ambanin'ny ankihiben'ny Tompony izany, satria tsy eto izy hisolo tena ny tenany, fa misolo tena ny Tompony izy.

⁹³ Fantatrareo, miezaka mifampitady voninahitra ny olona, ary mifanome voninahitra izy ireo, ary manala baraka an'Andriamanitra izy ireo amin'ny fanaovana an'izany. Hitanareo? Miezaka isika dia manao olona goavana eo anivontsika, kanefa tsy olona goavana sy olona kely isika, olona kely isika rehetra. Anankiray ihany no goavana eo anivontsika, ary izany dia ny Tompontsika. Hitanareo? Ary manao ny rafipandaminantsika tena goavana kokoa noho Andriamanitra isika, “ny fiangonana masina lehibe an’ity, itsy, na ny *hafa*, ireo eveka masina lehibe,” sy ny sisa. Tsy misy ny zavatra tahaka an’izany. Voninahitry ny olona izany. Anankiray ihany no masina, ary Andriamanitra izany. Ary ny Fanahy Masina, izay Andriamanitra, dia eo anivontsika. Tsy isika no masina, fa ny Fanahy Masina izay ao anatintsika. Izany dia tsy . . . Rehefa mahita zavatra vita isika, dia tsy isika no manao an’izany, fa ny Fanahy Masina. Hoy Jesosy hoe, “Tsy Izaho no manao an’ireo asa, fa Ny Raiko. Izy mitoetra ato Amiko, ary Izy no ilay Anankiray izay manao an’ireo asa.” Ary tsy izy no—no manao izany. Eny àry. Fa hitantsika ireo mpanompo marina ireo nandritra ny fotoana.

⁹⁴ Ankehitriny dia ity no zavatra tiako hanaovana karazana fampiharana mandrity ny fotoana fohy. Ankehitriny, mazàna amin'ny fotoana tahaka an’izao rehefa nijanona mahatoky tamin'ny Teny ny olona ary nahafoy azy ny olona rehetra no idiran'Andriamanitra hiaro an’io olona io sy hisalorany ny asampanompoany. Marina izany. Fampiononana iray toy ny inona. Ny fampiononantsika dia miorina eo amin'ny teny fikasan'ny Tenin'Andriamanitra. Tsy mampaninona izay lazain’izao tontolo izao, izay ataon’izao tontolo izao, tsy izany no fanantenantsika, tsy miorina ao amin’izay ataon’izao tontolo izao.

⁹⁵ Heveriko fa tena tsara io hira io. Maniry aho ny ho afaka hihira. Te-hihira foana aho. Hitanareo? “Izay miandry ny Tompo, dia manavao ny heriny, elatra no hiakaran’izy ireo tahaka ny voromahery, hihazakazaka izy ireo fa tsy ho sasatra, raha mandeha izy ireo dia tsy ho reraka; ampianaro aho, Tompo, hiandry. Ampianaro aho, Tompo, hiandry amin'ny lohaliko.” Tiako izany. “Ary amin'ny Fotoanao tsara Manokana no Hamalianao ny fiangaviako; ampianaro aho tsy hiankina amin’izay ataon’ny hafa, miandry am-bavaka fotsiny valiny iray avy Aminao.” Dia izay. Izany no mpanompo mahatoky izay miandry ny anjaran’ny Tompony, mahafantatra an’izao, hoe tsy mety diso ny Soratra tsy mampaninona izay mitranga. Tsy maintsy mitsangana ho marina ny Soratra. Amin'ny fotoana tahaka an’izany, no mazàna idiran'Andriamanitra mba hanampy azy ireo.

⁹⁶ Ndao isika hijery an'i Elia fony izy nafoy. Nahoana? Satria nijanona nahatoky tamin'ny Teny izy. Hoy izy hoe, "Ny olona rehetra dia nahafoy ahy." Ary voaroaka avy tamin'ny fiarahamoina izy, avy tamin'ny rafi-pandaminana, avy amin'ny rafi-pandaminam-pirenena mihitsy aza, an'ny fiangonam-pirenene'i Israely, noroahin'ny mpisorona sy ny rehetra izy, ary tsy nanana na dia palitao iray tahaka an'i Paoly mihitsy aza izy, fa silaka hoditr'ondry kely iray, na, hoditra nirakotra nanodidina azy, ary nipetraka teo ambonin'ny tendrombohitra iray izy ka nofahanan'ny vorona. Eny, tompoko. Nahoana? Nohon'ny Tenin'Andriamanitra, satria nahatoky tamin'ny HOY NY TOMPO HOE izy. Ankehitriny dia lasa moderina izy rehetra. Ilay vadin'ny filoham-pirenena, Jezebela, no namoaka an'ireo lamaody rehetra sy ny sisa. Ary nanaiky an'izany ireo mpisorona sy ny sisa, sy ireo mpitory teny rehetra sy ny sisa, dia nifanaraka tamin'izany izy ireo. Fa tsy i Elia, nijanona nahatoky tamin'ity Teny ity izy. Ary noho izany zavatra izany dia nafoy izy, hany izy ka niantsoantso hoe, "Tompo, izaho irery no sisa tavela, ary mitady ny aiko mihitsy aza izy ireo."

⁹⁷ Fa nanome azy fampiononana iray Andriamanitra, nanao hoe, "Mbola manana fito arivo aho any."

⁹⁸ Hitanareo, tsy mino aho fa nahatsapa ho nirehareha i Elia ny amin'izany, hoe izy no anankiray tokana, nefo heveriko fa tena nafoy fotsiny izy. Isaky ny nanatona mpisorona iray izy mba hanao favoriana, dia noroahin'izy ireo. Hidina eto izy, "Mialà eto, ianao fanatika! Mialà eto! Mandehana manao an'ity!" Izany no naneho rehefa tonga i Elisa, ny nandimby azy. Eny, inona no nataon'izy ireo? Izy ireo aza... Sola loha ilay lehilahy tanora, ary nandefa an'ireo zanany kely izy ireo mba haneso azy ireo hoe antitra "mpisandoka." Voalaza fa izy roa ireo dia noheverina ho mpisandoka, hoy izy ireo, "Antitra sola loha! Sola loha, nahoana ianao no tsy nandeha niakatra tahaka an'i Elia?" Tsy nino izy ireo fa niakatra izy. Ah-hah. Hitanareo? Nihevitra fotsiny izy ireo fa andiana mpisandoka izy. Fa nahatoky tamin'ny Teny izy ireo, niaraka tamin'ny asam-panompoana voamarina. Nitsangana i Elia. Eny àry.

⁹⁹ Naka toerana marina i Daniela. Fantatrareo izay ahitako an'izany ao amin'ny Daniela 12, na Daniela 9, mino aho fa izay ilay izy. Rehefa ianareo... Naka toerana tsara ho an'ny Teny i Daniela. Inona no nitranga taminy? Rehefa lehilahy tånama ankavanana'ilay mpanjaka izy, nefo naka toerana marina ho an'ny Teny, dia voaroaka ary natsipy tao an-davaky ny liona. Lehilahin'Andriamanitra iray mitsangana mahatoky amin'ny Teny!

¹⁰⁰ Nijanona nahatoky tamin'ny Teny ireo zanaka Hebreo, teo ambanin'ny fanambaran'ny mpanjaka hoe "na iza na iza tsy miankohoka amin'io sarivongana io rehefa maneno ny valiha sy ny trompetra, sy ny sisa, na iza na iza tsy hiankohoka amin'ny

sarivongantsika dia hatsipy ao anatin'ny lafaoro mirehitra,” fa nanatodika ny lamosiny tany amin’ilay sarivongana izy ireo. Ary tsi- . . . Izy ireo, tsy mampaninona na lasa tsy nalaza toy ny ahoana aza izy ireo, tsy mampaninona na toy ny ahoana aza no nandroahana azy ireo tamin’ny fiaraha-monina, dia nitoetra ho nahatoky tamin’ny Teny izy ireo. Tiako izany.

¹⁰¹ Jakoba, iray hafa. Izy dia nanana ny . . . efa niala lavitry ny trano nandritra ny fotoana ela, ary nahazo antso hody hahita ny olony. Ary teny amin’ny làlany izy, nahatoky tamin’ny antsony, nahatoky tamin’ny fitarihany. Nanana zavatra tsara izy tany, saingy nanomboka nifanaraka taminy Andriamanitra mba hody. Ary, teny an-dàlana mody, dia natsipy teo anelanelan’ny toerana roa tery izy. Ny vadiny sy ny zanany teo amin’ity ilany ity; ary ny rahalahy nankahalainy, Esao, dia tonga teto niaraka tamin’ny tafika iray hitsena azy. Ary nitsangana teo amin’ilay renirano kely izy, renirano kelin’i Peniela tany, ary nitsangana teo izy. Ary fepetra iray toy ny inona! Esao, nankahala azy, dia avy niaraka tamin’ny tafika hitsena azy, ary teto ny vadiny, ireo vadiny roa sy ireo zanany rehetra teny amin’ny ilan’ilay renirano kely, ary tratra tao anatin’ny toerana tery iray izy. Nahoana? Satria raha nianona tao amin’ny taniny manokana izy dia ho nety tsara. Saingy nahazo antso iray izy, ny Tenin’Andriamanitra no niantso azy ho any an-tanindrazany. Haleloia! Andriamanitra hitahy lehilahy iray. Izy dia nahazo fiovana, ihany koa. Eny, tompoko.

¹⁰² Jesosy, nahatoky tamin’ny Tenin’ny Ray hoe, “Manao an’izay lazain’ny Ray fotsiny Aho. Voasoratra hoe, ‘Tsy ny mofo ihany no hiveloman’ny olona, fa ny Teny rehetra izay aloaky ny vavan’Andriamanitra.”

Jesosy, nahatoky mandrakizay tamin’io Teny io, tonga ny fotoana iray izay Nahaverezany an’ireo sakaiza rehetra izay Nananany. Ny tsirairay avy tamin’izy ireo dia nahafoy Azy ary lasa. Izy rehetra. Ary ny olona izay nahita Azy nesoina, novingavingaina, dia nanary ny fahatokiana Azy. “Ahoana no ahafahan’ny lehilahy iray miresaka amin’ny lehilahy iray maty ao am-pasana ka manangana azy, ahoana no ahafahan’ny lehilahy iray izay afaka miteny mialoha an’ireo zava-mitranga hatrany amin’ny marika ary tsy nanana mihitsy . . . tsy diso mihitsy; nefá napetraka tao amin’ny fitsarana niaraka tamin’ny Tavany nandeha rà nohon’ny fisintonana volombava, ary ny roran’ny mamo tampina indrindra avy tamin’ny miaramila nikoriana teo tamin’ny Tavany, niaraka tamin’ny vorodamba iray teo amin’ny Lohany, ary nikapoka Azy teo amin’ny loha tamin’ny tsorakazo, ka nanao hoe, ‘Maminania ka teneno aminay hoe iza no nikapoka Anao, dia hino an’izany izahay?’” Eny, nandeha niala fotsiny ireo mpianatra, nanao hoe, “Ah!”

¹⁰³ Hitanareo, tena haingana mihitsy no anadinoin’izy ireo an’izay nataon’Andriamanitra! Ahoana no nilazan’i Mosesy teo amin’ny Ranomasina Mena, rehefa nitsangana teo izy ka nanao

hoe, "Efa nanao fahagagana folo miavaka Andriamanitra, mbola tena maditra foana ve ianareo ka tsy mahafantatra fa mbola Andriamanitra foana Izy?" Nidina teo izy ary nikapoka an'ireo tany, izy—nametraka ozona iray teo amin'ireo tany izy. Nitondra sahona, parasy, lalitra, ny zavatra rehetra izy, ary fi—fipoahana iray izay namono ny lahimatoa rehetra, ary nitety ny tany ilay anjelin'ny fahafatesana, kanefa tsy te-hanaraka azy teo amin'ny Ranomasina Mena ireo olona ireo. Haingana toy ny ahoana, vantany vao ny lazanareo... Rehefa nahita an'ireo lefona lehibe namirapiratra an'ireo lehilahy iray hetsy tonga tahaka an'izany izy ireo, na angamba, hia, na angamba lehilahy iray tapitrisa no tonga, ary ny fieron'ireo kalesy ka nanidina ny vovoka, dia nilavo lefona fotsiny izy ireo ka nihemotra hoe, "Ary, Mosesy, tokony ho faty tany izahay." Hitanareo? Nilaza Andriamanitra fa Navelany ho faty tany an-efitra izy ireo nohon'ny tsy finoana. "Mosesy, vita tanteraka ny asam-panompoanao, izay ihany. Tsy izy intsony ianao." Hitanareo, tsy mahazo izy ireo. Tsy azon'izy ireo ilay izy.

¹⁰⁴ Ary ankehitriny dia ilay zavatra iray ihany rehefa Jesosy, ilay Raby tanora na Mpampianatra, na Mpaminany avy any Galilia, rehefa nanao an'ireo fahagagana rehetra sy ny sisa Izy hoe, "Ahoana no hany Nahafahany nahatanty sy nandefitra tamin'ny zavatra tahaka an'izany? Ahoana no Nahafahany namela lehilahy iray namatotra Azy tamin'ny rojo, nefo afaka nanapaka an'ilay tombokasen'ny fasana iray Izy ka nanangana lehilahy iray avy tany amin'ny Mandrakizay? Ahoana no Nahafahany nanao an'izany, nefo afaka niresaka tamin'ny zanakalahin'ny mpitondratena iray Izy ka nanangana azy ho velona indray; ary Lazarosy, efa maty ary lò tao am-pasana, nefo namoaka azy? Ahoana no Nahafahany nitsangana ka nanao hoe, 'Izaho no Fananganana sy Fiainana. Izay mino Ahy na dia maty aza izy dia ho velona indray. Izay rehetra velona ka mino Ahy dia tsy ho faty intsony.' Nefo mitsangana ka voafatotra tamin'ny gadra ary rora no teo amin'ny tava, nefo tsy manokatra ny Vavany?" Ireo mpianatra, "Nahavery ny Asam-panompoany Izy." Hia, tahaka an'izany ilay izy. Andriamanitra, ity izao tontolo izao mampalahelo ity!

¹⁰⁵ Na dia ny Fiagonany aza, ireo roa ambin'ny folo lahy izay nahafaly Azy ka niteny tamin'izy ireo ny zavatra rehetra, sy tia azy ireo, nanodina ny lamosiny Taminy izy ireo. Anankiray ihany no nitsangana teo Anilany, ilay lehilahy Jaona izany. Teo amin'ny ora iray rehefa lasa ny zava-drehetra mihitsy, ary lasa ny fanantenana rehetra, nifatotra teo Izy, ary nentina teo ka nesoina sy nororaina, ary nametraka ny Lamosiny teo amin'ny... Tsy nahafantatra fa izany no nahatanteraka ny Soratra.

¹⁰⁶ Nahoana, tsy fantatrareo ve fa ireo zavatra izay miseho amin'izao andro izao dia manatanteraka marina tokoa an'ireo

Soratra ara-bakiteny? Nahoana ny olona no afaka milaza an'ireo zavatra ireo? Nahoana no romotra ireo anaram-piangonana ireo? Nahoana izy ireo no manao izany? Voasoratra ao amin'ny Soratra fa hanao an'izany izy ireo. Mandehaavy hatrany ao anatin'izany izy ireo ary manao an'izany samirery, am-pahajambana, tsy mahafantatra fa manao an'izany izy ireo. Mihevitra ve ianareeo fa fantatr'i Jodasy hoe nilalao ny anjaran'i Jodasy izy? Mihevitra ve ianareeo fa fantatr'i Farao hoe nilalao an'ilay anjara izy, nefà Andriamanitra no nanangana azy ho an'io tanjona io? Mihevitra ve ianareeo fa ho nanao an'ireo izay zavatra nataony i Esao? Tsia tokoa. Hoy Izy, "Manana maso izy ireo fa tsy afaka mahita, sofina fa tsy afaka mandre." Fa diniho ny Soratra, mivelatratra fotsiny. Hitanareeo? Eo amin'ny andro farany isika, tsy maintsy ho tahaka an'izany ilay izy.

¹⁰⁷ Ankehitriny, nahafoy Azy ny Fianganany. Nahafoy Azy ny olona sy ny natiora rehetra. Miresaka ny amin'ny olona iray nafoy, tsy nanana fahafoizana mihitsy tahaka an'izay Nananany i Paoly. Na dia ilay tena famoronana izay Noforoniny mihitsy aza dia nahafoy Azy. Ny volana sy ny kintana ary ny masoandro, ary ny zavatra rehetra, lasa jamba. Ny olona, Andriamanitra, ny natiora sy ny zavatra rehetra dia nahafoy Azy, tsy nisy nitsangana teo, maty irety Izy. Nahavery ny Asam-panompoany ve Izy? Nanatanteraka ny Asam-panompoany Izy, fa tsy nahavery an'izany. Mandeha miaraka amin'izany io. Izany ilay zavatra izay miseho. Tsy maintsy mandeha miaraka amin'izany io.

¹⁰⁸ Ankehitriny, nahafoy Azy ny zavatra rehetra. Fa tamin'io fotoana io no nidiran'Andriamanitra teo amin'ny sehatra, satria ny olona rehetra izay mahafantatra fa ny Teny dia hijanona amin'ny Teny, dia mahafantatra fa ny Teny dia Andriamanitra. Hitanareeo? Ary ny Teny dia tsy maintsy manambara ny Tenany. Ny Teny tsy mety diso dia tsy maintsy manambara ny Tenany. Tsy maintsy, mba, satria ny Teny dia Andriamanitra. Ary raha niasa teo amin'ny hafa nanerana ny taona Izany, dia hiasa amin'ilay fomba iray ihany Izany izao ankehitriny izao, satria Andriamanitra Izany. Aza adino mihitsy izany. Satria fantatr'i Jesosy fa Izy no fahafenoan'ny Teny, tsy Mpaminany iray fotsiny ihany Izy, fa Izy no Andriamanitra Izy tenany. Izy no Teny. Izany no antony hoe tsy ny olona ihany no nahafoy Azy, fa nahafoy Azy koa ny natiora. Nahafoy Azy ny famoronana manontolo, ny zavatra rehetra, ny kintana, ny volana, ary tsy nisy hazavana rehefa maty Izy. Nahafoy Azy ny zavatra rehetra, hitanareeo, satria Izy no Mpamorona ny zava-drehetra. "Teo amin'izao tontolo izao Izy, ary Izy no nahariana izao tontolo izao, nefà izao tontolo izao tsy nahafantatra Azy." Hitanareeo? Izy no Mpamorona ny zava-drehetra. Ny zavatra rehetra! Ankehitriny, ny zavatra tokana, izay isika... Tsy mamorona isika fa miezaka ny miovà fo, ary izay ezahintsika hiova fo dia ireo izay mahafoy

sy miala. Hitanareo? Rehefa tonga ny fotoana hanaovan'ny Teny ny tena Fampisehoany, dia tsy maintsy ho tahaka an'izany ilay izy. Ankehitriny, tsarovy fotsiny, fa amin'izay fotoana izay no miditra eo amin'ny sehatra Andriamanitra.

¹⁰⁹ Ary teo amin'ny fiainan'i Jesosy Tompontsika, ireo asa lehibe izay Nataony tamin'ny taona voalohany sy enim-bolan'ny Fiainany, oh, Lehilahy mahery toy ny ahoana Izy! Tsy nisy na inona na inona mihitsy tahaka Azy teto an-tany, tsy nisy mihitsy hatramin'io, tsy hisy intsony aoriania. Fa inona no nitranga? Nahazo fanesoana mihoatra noho ny rehetra Izy, ny sisa rehetra tamin'izy ireo atambatra. Nesoin'ny natiora sy nesoin'ny famoronana, nesoin'ny zavatra rehetra, satria tao anatin'ny toerana voavadika iray izany. Izany no antony anesoan'ny fon'ny olona an'ilay tena mpanompon'Andriamanitra marina, satria voavadika izany. Voavadika ny natiora, izany ilay antony.

¹¹⁰ Raha tsara tarehy tahaka ny maha-izy azy ny natiora, satria voavadika, dia hanao ahoana izy rehefa ovaina indray ho amin'ny sitrapon'Andriamanitra? Raha afaka mamokatra voaloboka izay mila lehilahy roa ny hitondra azy ireo eo amin'ny lamosiny ny tany iray, dia ho inona izany, nefà tany iray voavadika io, ho inona izany rehefa ovaina hiverina amin'Andriamanitra izy? Tonga Kristy, hamony tahaka ny raozy ny tany efitra. Ho fiovam-po iray izany. Ary hamoaka rano ireo tany karakaina, ary ny tany hamelatra sy hamony. Eny, ho fotoana iray izany, ary rehefa hovaina ho olona masina ny fon'ny olona, izay efa nanao ny safidiny ankehitriny, dia hipetraka ao amin'io toerana io. Amena.

¹¹¹ “Io ora maizina io, teo afovoan'ireo vatolampy mitresaka sy lanitra maizina,” hoy ilay poeta, “no nanondrika ny Lohany ny Mpamonjiko ka maty; ny fanokafana ny lamban'efitra no nanambara ny lâlana mankany amin'ny fifalian'ny Lanitra sy ny andro tsy manam-pahataperana.” Tsy maintsy nanao an'izany Izy mba hanao lâlana iray ho antsika. Marina. Fa inona no nataon'Andriamanitra? Nahatoky tamin'ny Teny Izy ary namihina ny hazo fijaliana Izy. Saingy izany ve no faran'ny Asam-panompoany? Vita tanteraka ve ny Asam-panompoany? Nosaloran'Andriamanitra tamin'ny satroboninahitra lehibe indrindra izay hany azo nasalotra izany. Nosetrohiny izany tamin'ny marainan'ny Paska, tamin'ny fitsanganana. Nosetrohiny ny asam-panompoan'i Jesosy Tompontsika, nitsangana tamin'ny maty Izy ary velona mandrakizay. Tsy vita tanteraka Izy satria nahafoy Azy ny olona rehetra, voasalotra Izy! Eny, tompoke. Eny, tompoke. Voasalotra Izy satria Izy dia, efa nafoy, ary tsy maintsy manao an'izany Izy rehefa nanangana Azy tamin'ny maty Izy.

¹¹² Tahaka an'izany koa i Elia. Niresaka ny aminy isika fotoana vitsy lasa izay. Elia, ilay mpaminany antitra mahantre trotrakta io nandry tany an-efitra tany, ary tsy maintsy

nofahanana tamin'izay nentin'ny vorona ho azy. Ary ny vatany antitra kely mahia maina tanteraka, miloko volontany, tavoaran-diloilo kely no mihantona eo amin'ny valahany, ny volombavany rehetra mivoaka, ary ny loha angamba sola sy main'ny masoandro, mandringa, mandeha miaraka amin'ny tsorakazo iray tahaka an'izao, saingy tao ambanin'io fo kely antitra io no nidoboboboka ny Fanahin'Andriamanitra. Rehefa hitan'Andriamanitra ny Mpanompony antitra kely efa reraka nidina nankany amin'ny farany, ny olona rehetra nahafoy azy, sy ny zavatra hafa rehetra, dia nandao azy ve Izzy? Nandefa kalesy iray Izzy, naka ny Mpanompony reraka hoe, "Tsy mila mandeha miakatra tahaka an'i Enoka akory aza ianao, fa hitondra anao hody amin'ny kalesy iray fotsiny Aho." Marina izany. Nosalorany tamin'ny kalesy nitondra nody ny asam-panompoany. Tsy dia ratsy loatra izany, fantatrareo. Hia. Eny, tsy nila nandeha an-tongotra nody izy, nandefa kalesy iray fotsiny Izzy ary naka azy satria reraka izy. Tiako izany. Amena. Mpanompo mahantra, kely, antitra reraka, Nalainy izy ka nentiny nankany an-Trano.

¹¹³ Tamin'ny fotoana nitsanganan'i Daniela tena nahatoky tamin'Andriamanitra, no nidiранy tao... Hoy izy ireo hoe, "Io lehilahy io, fantatrareo, lehilahy nalaza iray teto amin'ity fanjakana ity izy fahiny. Niteny an'ireo karazan-javatra rehetra izy. Ary nentiny nidiitra ireo mpanao ody, nampianariny zavatra izy ireo." Ary ny Mediana-Persianina sy ahoana no nataony. Fa teo ambanin'ny fanjakan'i Dariosy, dia i Daniela no nijanona nahatoky tamin'Andriamanitra. Daniela no nijanona tamin'ny Tenin'Andriamanitra ary tsy te-hifangaro tamin'ny zavatra hafa. Dia hoy izy hoe, "Eny, vita tanteraka ny asam-panompoany, satria hitako tao amin'ny gazety teo an-toerana izany, dia hatsipy ao an-davaky ny liona izy afaka andro vitsivitsy." Handeha hankany amin'ny fonja Federaly, na zavatra iray, hitanareo. "Fa hanipy azy ao an-davaky ny liona izayah." Fa inona no nataon'Andriamanitra? Nanisy tombokase ny Asam-panompoany tamin'ny fanovàna ny fon'ilay mpanjaka Andriamanitra, izay nalefan'i Dariosy tamin'ny fiteny rehetra, ny olona eran'izao tontolo izao, mba hatahoran'ny olona rehetra an'ilay Andriamanitr'i Daniela, satria Andriamanitra iray izay mahay manafaka Izzy. Amena.

¹¹⁴ Noho izany, hitanareo, amin'io fotoana izay ahafoizan'ny olona ny olona io, ireo mpanompon'Andriamanitra izay mijanona mahatoky amin'ny Teny, no anisian'Andriamanitra tombokase ny asam-panompoan'izy ireo amin'ny fotoan'ny fisalarana.

¹¹⁵ Eny, ireo zanaka Hebreo teo ambanin'ny fanjakan'i Nebokadnezara, rehefa tsy nety niondrika teo amin'ilay sarivongana izy ireo. Nijanona nahatoky tamin'Andriamanitra izy ireo satria hoy ny Tenin'Andriamanitra hoe, "Aza miondrika

eo anoloan'ny sarivongana iray, mba hivavaka aminy." Nijanona nahatoky tamin'ny Teny izy ireo. Ary tao amin'ny gazety teo an-toerana izany, tao amin'ny vaovao, ny rehetra mikasika an'izany, na inona na inona ilay izy tamin'izany andro izany. Nanana fomba hanaparitahana vaovao izy ireo. Tsy tao amin'ny gazety teo an-toerana, mazava ho azy fa tsia, milaza an'izany fotsiny mba hanananareo hevitra iray. Fa tao no handorana azy ireo ao anatin'ny lafaoro afo nafanaina impito. Satria ny andro maro talohan'izany, dia natsipin'izy ireo tao ny akora rehetra mba hahatonga an'ilay lafaoro ho tena mahamay ka nafanaina impito izy, nafanaina mihoatra impito. Nahoana, ho nandevona azy ireo izany, raha miditra eo anatin'ny zato yards avy eo amin'izany. Fa niditra avy hatrany tao anatin'ilay lafaoro afo izy ireo, ary nivoaka avy hatrany tsy nisy na dia fofon'afô akory teo amin'izy ireo. Dia hoy Nebokadnezara hoe, "Ny olona rehetra izay tsy manompo an'io Andriamanitra io, dia aoka hovonoina izy sy ireo zanany, ny tranony hodorana sy hataozekika." Marina izany. Hitanareo? Izy... Nanana fifohazana maneran-tany izy ireo satria nahatoky tamin'ny Teny. Izany no mitranga. Eny, tompoko. Mijanona mahatoky amin'ny Teny, eny, ary manome mahafinaritra foana izany.

¹¹⁶ Jakoba, efa niresaka mikasika azy isika vao teo. Nosoratako teto ny anarany. Indro izy, kanosa kely iray, saingy nijanona izy. Natahotra an'i Esao izy tany. Oadray, oadray! Ary fantany fa lavitra an'Andriamanitra izy. Efa lavitra an'Andriamanitra nandritr'ireo taona rehetra ireo, saingy niezaka foana ny hijanona mahatoky tamin'ity Teny ity izy. Ary indro Andriamanitra niantso azy ka niteny taminy mba handeha any an-tranony. Indro izy teo amin'ilay laharan'andraikitra mihitsy, ary teo Esao niaraka tamin'ny tafika iray. Tamin'izany andro izany no niovàny avy tamin'ny anarana hoe *Jakoba*, "mpamingana, mpisoloky," ho Jakoba... "andriana eo anatrehan'Andriamanitra," rehefa nivoaka izy ny ampitso maraina, niaraka tamin'ny asam-panompoamy voasalotra. Dia nivoaka avy hatrany izy ka nifanena tamin'i Esao, ary tsy nila fanampiana avy aminy. Amena. Nahatoky tamin'ny Teny. Tahaka an'izany no anaovan'Andriamanitra zavatra, sa tsy izany? Izy—manao zavatra araka ny Fanaony Manokana Izy. Eny àry.

¹¹⁷ Maro amin'ireo rahalahiko, manana laza lehibe izy ireo amin'izao andro izao eo anivon'ireo rahalahiny ara-anaram-piagonana. Miteny anarana anankiray fotsiny ianareo, ry tovolahy, ary tahaka ny afo fotsiny ilay izy, na aiza na aiza, marina izany, ilazanareo an'io anarana anankiray an'io olona io. Ary, sady izay koa, rehefa niteny tamiko teo amin'ilay renirano ny Tompo tamin'io andro io, dia izany no nitarika an'io fifohazana io manerana an'izao tontolo izao, avy teo no nihavian'ny tsirairay tamin'ireo evangelista malaza ireo.

¹¹⁸ Niverina avy hatrany niaraka tamin'ireo rahalahiny izy ireo, hitanareo, ireo anaram-piangonana izay nivoahan'izy ireo. Tonga eto izy ireo ary manao an'io favoriana io, mifangaro amin'ireo anaram-piangonana, miverina avy hatrany ao anatin'izy ireo indray. Mahazo sitraka betsaka izy ireo, anarana goavana eo amin'ny radio, gazety, sy ny zavatra rehetra. Miresaka tsara mikasika azy ireo ny olona rehetra.

¹¹⁹ Saingy ny olona rehetra dia nahafoy ahy satria nandray Teny marina iray aho, ary nitsangana teo akaikin'ny Teny. Nijanona tsara teo amin'izay Nolazainy tamiko aho, nitory ny Teny, fa tsy filozofia ara-anaram-piangonana. "Torio ny Teny," izany no fanirahako, "mijanôna amin'ny Teny." Ary, rahalahy, izay mihaino an'ity amin'ny horonam-peo, zalahy nalaza iray aho rehefa tonga teo anivonareo, nanasitrana ny marary fotsiny, niteny an'ireo fahitana sy nampiseho zavatra. Fa rehefa nandeha aho niteny taminareo ny Fahamarinana mikasika ny Teny, dia ho an'ny inona no nanodinanareo ny lamosinareo tamiko? Fantatrareo ve fa manatanteraka an'izay nolazain'ny Soratra fotsiny izany? Eny, tahaka an'izany no ataony. Ankehitriny dia zara aho raha afaka miditra ao amin'ny toerana iray.

¹²⁰ Tonga foana ny taratasy. Tonga ny anankiray indray andro, nanao hoe, "Rahalahy Branham, nanana ny fahatokiana lehibe indrindra taminao aho, saingy reko ianao nilaza fa niverindàlana ny anaram-piangonana anankiray izay ikambanako." Hoy izy, "Tsy manana fahatokiana anao intsony mihitsy aho ankehitriny, manomboka izao." Hoy izy, "Nisy rahalahy teo amin'ny dimy amby roapolو avy tamin'ny anaram-piangonako nipetraka tao amin'ny iray tamin'ireo favorianao," hoy izy, "izahay fotsiny dia—nitsangana avy hatrany ary nandeha rehefa nilaza an'izany ianao."

¹²¹ Eny, nahafoy ahy ny olona rehetra, saingy misy zavatra iray, nitsangana teo akaikiko Izy!...?...Izaho tsy, tsy mba tsy nankatò ny fahitana avy any An-danitra izay nitranga teo amin'ny renirano tany aho. Nijanona nahatoky tamin'izany aho. Efa nahatoky Izy tamiko. Matoky Azy aho, fa indray andro any, tsy fantattro hoe rahoviana, no ho fisalorana iray an'ny asam-panompoako. Nijanona nahatoky arak'izay vitako aho. Tsy fantattro hoe ho inona izany. Tsy fantattro hoe ho rahoviana izany. Fa izaho, rehefa vonona fotsiny Izy, dia vonona aho. Tsy ahoako. Manantena aho fa hampisalotra ny asam-panompoako amin'ity Izy, amin'ny famelâna ahy haka an'ireo fitafian'ny Teny, ary hampiakanjo Ny Ampakariny amin'ny fitafian'ny Teny, sy ho an'ny Fahamarinany. Manantena aho fa hampisalotra ahy Izy, hamela ahy hitsangana amin'izany andro izany, hanao hoe, "Indro ny Zanak'ondrin'Andriamanitra izay manaisotra ny fahotan'izao tontolo izao."

¹²² Betsaka ny havoana hiakarana, ny tebiteby, lasa sarotra ilay izy indraindray; saingy ilay Anankiray izay manondro ny

làlana, no mahafantatra an'izay tsara indrindra. Fantany izay tsara indrindra. "Toa ho tsinontsinona ireo asa mafin'ny làlana, rehefa tonga eo amin'ny faran'ny làlana isika." Ndao isika hitady an'io dian-tongotra feno rà io. Tsarovy fotsiny, ry sakaiza, "Efa voasasa tao anatin'ny dian-tongotr'io Vahiny teo amoron'i Galilia io ireo fasika; ary io feo izay nahafehy an'ireo onja mahery ireo, dia tsy ho re intsony any Jodia. Fa ny làlan'ilay Galiliana manirery, no arahako am-pifaliana androany; ka ho tsinontsinona ny asa mafin'ny làlana, rehefa tonga eo amin'ny faran'ny làlana aho."

¹²³ Ao amin'ity tapany voalohan'ny Soratra izay novakiko ity, ary Nomeny ahy, lehilahy tanora iray aho tamin'izany, zazalahy iray fotsiny, nijoro teto, nahitsy ireo soroka, nibontsina ny tratra, volo olioly nikopakopaka, mainty. Nefa ankehitriny dia mitsangana milatsa-tsoroka aho, sola loha, fotsy volo, lehilahy antitra iray telo amby dimampolo taona. Fa mamy kokoa arakaraky ny mahalasa ny andro Izzy. Ary tsy niafina aho nanambara taminareo ny Filazantsara manontoloni Jesosy Kristy. Ary ny fanirian'ny foko dia ny hihaona amin'ilay Fiagonana izay Nahafatesany, mitafy ny fahamarinan'Ny Ràny Manokana, miakanjo Ny Teniny sy ireo olo-marin'Ny Teniny, satria Ny Teniny dia tsy mety diso mihitsy. Ary noho izany, dia fantattro fa raha hijoro amin'ny Teny aho ary ho mahatoky amin'ny Teny, ary raha mitoetra ato amiko ny Teny ary izaho ao Aminy, dia ho faly aho amin'izany andro izany fa nijanona nahatoky aho.

¹²⁴ Tsy fantattro izay hazonin'ny ho avy, saingy hitanareo izay misy antsika, sa tsy izany? Hitanareo hoe nahoana ny olona rehetra no milaza, na dia sy sasany amin'ny mpiara-miasa amiko manokana aza, nanao hoe, "Nahoana, vita tanteraka Rahalahy Branham." Hitanareo? Hia. "Vita tanteraka." Hitanareo? "Ah, tsy mandre betsaka vita intsony isika." Hitanareo? Eny, isika... Tsy mahazo fotsiny izy ireo, izay ihany, tsy azony fotsiny ilay izy. Hitanareo?

¹²⁵ Heveriko fa ny zavatra lehibe indrindra tian'i Paoly, rehefa nilaza izy hoe, "Efa tapitra ny fotoako ankehitriny," ny fanirian'ny fon'i Paoly lehibe indrindra dia ny ho maritiora iray. Izany no fanirian'ny fon'izy rehetra ireo tamin'ireo andro ireo. Raha izy ireo... Efa mba namaky ny *Foxe's Book Of The Martyrs* ve ianareo, ary namaky ihany koa ny *The Nicene Council*? Ny voninahitra lehibe indrindra mety hisy, rehefa ireo samihafa (sy Polycarpe sy izy ireo) niditra tao an-davaky ny liona, dia nihorakoraka tamin'ny fifaliana izy ireo. Niditra tao nahafantatra fa ho maritiora izy ireo. Rehefa nodorana teo amin'ny tsato-kazo izy ireo, dia nihiaikiaka tamin'ny fifaliana, nohon'ny voninahitra ho maritiora. Rehefa nidina teo amin'io hazo fanapahan-doha io i Paoly, mba hanapahana ny lohany, notarihana avy tao amin'io tranon'ny fonja io, toerana maloto

tranainy kely tany, tao amin'ny lavaka iray teo amin'ny rindrina, izay nahazoan'izy ireo azy. Nidina teo aho ary njery an'izany. Toerana ambanin'ny tany kely tranainy tany izay nanipazan'izy ireo ny vatany tao. Ary ankehitriny te-hanao azy ho olo-masina iray na zavatra hafa izy ireo. Vondron'olona iray ihany! Teo izy nandeha nidina teo. Hoy izy hoe, "O ry fahafatesana, aiza ny fanindronana? Ry fasana, aiza ny fandresenao? Fa isaorana anie Andriamanitra Izay manome antsika ny fandresena amin'ny alàlan'i Jesosy Kristy Tompo. Niady ny ady tsara aho. Nahavita ny fihazakazahana aho. Nitahiry ny Finoana aho. Misy satroboninahitra tehirizina ho ahy, ary tsy ho ahy ihany, fa ho an'izay rehetra tia ny Fisehoany koa."

¹²⁶ Tonga eo amin'ny andininy faha-6 isika izao, eo amin'ny faha-18. Tsy haiko izay hovakin'izany ho ahy, fa manonona fotsiny aminareo an'izay vakiny ho an'ny hafa aho. Ary hanohy hijanona mahatoky amin'ny Teny aho mandra-Pahavitany. Eo no misy an'ilay asam-panompoana ankehitriny. Tsy vita tanteraka aho. Manantena aho fa ao anatiny mihitsy aho. Izay ilay izy. Marina izany. Ndao isika hanondrika ny lohantsika ankehitriny raha mivavaka isika . . . ? . . .

¹²⁷ Misy tady kely iray midina avy eo amin'ny Seza fiandrianana izao hariva izao, izany no antsoina hoe Tadin'aina. Raha mbola mivavaka aho, dia manantena aho fa hotarihin'ny olona rehetra tsy niova fo ato izany. Tsy haninji-tànana ve ianareo ka hamikitra amin'izany, ry sakaimba mpanota? Hoy ianareo hoe, "Rahalahy Branham, nilaza ianao fa miha-antitra, ary heveriko fa izany no antony hoe ianao dia . . ." Tsia, rahalahy, ranabavy. Fony aho mbola zazalahy kely iray fotsiny, dia efa nino an'Ity aho. Nanolotra ny fiainako ho an'Izany aho. Ary nenina tokana ihany no ananako, tsy manana afa-tsy fiainana anankiray homena aho. Raha nanana fiainana iray alina aho dia ho tiako ny hanome azy rehetra ireo ho an'Izany. Hia.

¹²⁸ Tsy hamikitra eo amin'ilay Tady ve ianareo rehefa mandalo izy izao hariva izao, eo amin'ny lìlanareo? Hoy ianareo hoe, "Rahalahy Branham, tsy mendrika ny hamikitra eo amin'Izany aho." Fantatro fa tsy mendrika ianareo, ry zanako. Fa raha mandeha manao zavatra ianareo mba ho mendrika, dia teneno amiko izay nataonareo, fa izaho dia te-hanao an'izany, ihany koa. Tsy misy zavatra azonareo atao mba ho mendrika. Teraka tsy mendrika ianareo. Zavatra tokana ihany no azonareo atao, mamikira fotsiny amin'ilay fomba izay natao ho anareo. Rendrika ianareo, aza rendrika ao anatin'izany. Natsipin'Andriamanitra ilay Tadin'aina, ndao isika—ndao isika haninji-tànana ka hahazo azy izao hariva izao.

¹²⁹ Ray any An-danitra, tsaroako eto amin'ity birao iray ihany ity mihitsy, ity toerana iray ihany ity izay noresahako tamin'io maraina io, rehefa nitokana ny fiangonana teto amin'ity tany

eto ity mihitsy aho. Ary mipetraka eo io vato fehizoro io, mbola mitazona ravin-taratasy iray avy ao amin'ny Baiboly izay nanoratako an'izany. Hoy aho hoe, "Tompo Jesosy, nohon'ny Fahasoavanao dia hitoetra mahatoky amin'ny Teny aho." Ary ankehitriny dia hitako fa namokatra marina tokoa an'izay nataony tamin'ireo fotoana hafa izany. Ary ato amin'ity tabernakla ity aho izao hariva izao, rehefa avy nitety an'izao tontolo izao, niverina indray, ary mbola mipetraka ao foana ilay vato fehizoro kely sy ilay taratasy ao anatin. Zahao aho, Tompo Andriamanitra. Nanao fahadisoana maro aho. Izaho—efa nanao ratsy aho, Tompo. Imbetsaka aho no tsy nahomby Taminao, araka ny vao nambarako vao teo mikasika ny tsy fahombiazana. Andriamanitra, izaho—izaho, haingana arak'izay anaovako, izaho—izaho—mila famelàna aho. Ao am-poko no itiavako Anao. Izaho—fantatro fa Ianao no naneho ahy vao haingana ny mikasika an'io toerana andehananay io. Tsy fantattro hoe rahoviana Ianao no hahavita ny amiko ankehitriny, Tompo. Izaho—eto aho izaho hariva izao, izaho...nohon'ny Fahasoavanao. Ary izaho—tsy fantattro hoe rahoviana Ianao no mahavita, saingy fantattro fa tsy maintsy tonga amin'ity izany. Fa rehefa tonga izany fotoana izany, izaho—tsy te-ho kanosa iray aho. Te-hitsangana tahaka ny nitsanganan'ny sisa tamin'izy ireo aho. Fa, Andriamanitra, raha—raha—raha tsy maintsy hanisy tombokase ny fanambarako amin'ny fiainako manokana aho, na inona na inona tokony ho vitaina, Tompo, dia salory izany amin'izay fotoana izay. Tsy manasalotra ahy; fa salory ilay asampanompoana izay notoriako, Tompo, Ny Teninao izany. Ary fantattro fa ny Teny dia mihoatra noho ny mahay manangana ahy indray amin'ny fitsanganana. Ary tsy menatra ny Teny izay notoriko aho, satria herin'Andriamanitra ho famonjena an'izay rehetra mino Izany.

¹³⁰ Misaotra Anao aho ny amin'ilay fiangonana kely mbola mitsangana androany. Rehefa nandray an'io toerana ho an'ny Teny io aho, dia naminany ireo mpaminany ka nanao hoe, "Ao anatin'ny enim-bolana dia hivadika ho garazy izy." Telopolo taona izao no lasa, mirehitra kokoa noho ny tamin'ireo taona ireo izy androany. "Eo ambonin'ity vatolampy ity no Hanorenako Ny Fianganako." Misaotra Anao izahay ny amin'ny pasiteranay. Misaotra Anao izahay ny amin'ireo diakona, ireo mpitantan-drahahaha. Manana anjara kely izahay rehetra, Tompo, ary te-hilalao an'izany am-pahatokiana izahay, te-hilalao an'izany tsara.

¹³¹ Mety misy ny sasany eto te-hikambana aminay izao hariva izao, Tompo. Ary ny fomba ikambanan'izy ireo amin'izany, dia ny mamikitra fotsiny amin'ity Tadin'aina kely ity ary manomboka misintona, manodinkodina Azy manodidina ny hato-tànany, mamatotra Azy manodidina ny fony, ary manao hoe, "Ankehitriny, Tompo, sintony, akaro aho," dia hivoaka izy

ireo ka hamirapiratra tahaka ny volamena. Ekeo izany, Tompo. Miandry an'izany fotoana izany izahay.

¹³² Mino izahay fa akaiky ny farany. Hitanay fa araka ny efa nampianarinay teto, dia mandeha ny Taom-Piangonan'i Laodikia ankehitriny, hitanay fa tsy misy na inona na inona hafa hitranga afa-tsy ny Fihavian'ny Tompo. Ary, Tompo, tsy ho satroboninahitra lehibe iray ho an'ny Teny ve izany, ny mahita an'ilay Satroboninahitra Izzy tenany tonga? Te-hijoro eto aho ka hanao hoe, "Indro Izzy, io ilay Zanak'ondry." Tahaka ny nataon'i Jaona. "Indro ny Zanak'ondry izay nandrasantsika, io Izzy." Ho avy faingana ao amin'ny Tempoliny ny Tompo, haka ny Olony ao amin'ny Fampakarana.

¹³³ Ataovy vonona izahay, Ray. Sasao amin'Ny Rànao ny fonay. Ataovy mangarangarana sy madio izahay, mba ahafahan'Ny Teninao hitoetra ao anatinay. Ary enga anie izahay hahatsiaro fa tsy maintsy mihetsika eo amin'ny Teny izahay, mba hamikiran'Izany sy hisy fiantraikany. Ekeo ho an'ny mpanota tsirairay ny fibebahana. Tahio ny olona rehetra izay ato. Ireo olo-masina, ireo, ny sasany amin'ireo mpiady tranaindy sarobidy ireo, Tompo, dia niady teo amin'ny laharana nandritra ny taona maro, nesoina, noresahana ary narabiana. Mbola manohy foana izy ireo satria manana Fiainana. Fantatr'izy ireo hoe Iza no ninoany, ary resy lahatra fa Izzy dia mahay mitahiry an'izay natolotrizy ireo Azy. Misaotra Anao izahay ny amin'izany. Mivavaka izahay mba Hanasitrananao ny marary izay eto afovoanay. Esory ny fahotanay sy ny aretinay rehetra. Ary, Andriamanitra Ray, raiso ho an'ny Tenanao ny voninahitra.

¹³⁴ Manana sakaiza sarobidy maro aho, Tompo. Izaho—tiako izy ireo, ary fantatro fa misy lehilahy hafa izay manana nandritra ny taona, ihany koa. Sakaiza sarobidy, sakaiza be fitiavana, tanora na antitra, ary tianay amin'ny fonay rehetra izy ireo. Ataovy mahatoky izahay ankehitriny, Tompo, mahatoky amin'ny Teny mihitsy, mba ahafahanay mihaona amin'izy ireo any amin'ny tany tsaratsara kokoa indray andro any izay tsy hisy falahelovana na alahelo intsony. Miandry ny Fihavian'ny Tompo izahay, tsy ho ela. Mino izahay fa ho avy Izzy.

¹³⁵ Ankehitriny dia tahio ny tsi-mpino eto izao hariva izao, Tompo, ary enga anie izy ho lasa mpino iray ka hanaiky Anao ho Mpamponjiny izao hariva izao.

¹³⁶ Ary raha mbola manondrika ny lohantsika isika, raha misy olona eto any ho any miaraka amin'ny lohanareo miondrika, te-hanao hoe, "Rahalahy Branham, tena lalina ato am-poko, izaho—te-ho tonga eo amin'ny faran'ny lèlana aho, miady ny ady tsara. Te-ho Kristiana iray aho. Hanangana ny tènako aho." Andriamanitra hitahy anao, ary Andriamanitra hitahy anao. Tsara izany. Andriamanitra hitahy anao, ianao. "Te-ho tonga amin'ny faran'ny lèlako aho, miaraka amin'ny ady

tsara iray ao aoriako. Manaiky an'i Kristy aho izao ankehitriny izao. Tiako ho Mpanampiko Izzy." Eny àry, ny Tompo hitahy anao. Andriamanitra hitahy anao, ramatoa any aorianea. Tsara izany. Izzy—mahafantatra anareo Izzy. Efa nianatra betsaka mikasika Azy aho nandritra ireo taona rehetra ireo, teo amin'ny roa amby telopolo taona teo ankehitriny tao ambadiky ny polipitra, efa nianatra betsaka mikasika Azy aho ankehitriny mba ahafantatra fa Fantany ny hetsika tsirairay ataonareo. Hitany ny tsintsina. Voaisa ny volon-dohanareo. Hitanareo, Fantany ny rehetra mikasika an'izany. Atsangano fotsiny ny tanganareo, ary aoka ho hentitra amin'izany, izay ihany no tokony ataonareo. Ary misy rano vonona ao.

¹³⁷ Tsarovy, inona no ataonareo? Mibehaha ianareo, minoa ny Filazantsara, ary avy eo dia aoka hatao batisa (Ho an'ny inona?) ho...amin'ny Anaran'i Jesosy Kristy, ho an'ny famelàna ny fahotanareo. Izany no fanambaranareo, an'izay maha-izy anareo. Lasa ny fahotanareo rehefa vita batisa ianareo; efa niaiky azy ireny ianareo, ary nino. Tsy hanakatra an'ilay Tadin'aina ve ianareo ankehitriny raha misintona manerana ny fonareo Izany, ary manao hoe, "Avia eto, ry mpivahiny. Manaova dia miaraka Amiko, ento eo aminao ny Hazo fijaliako. Mianara Amiko, malemy fanahy sy mora fo Aho, ary maivana ireo Entako." Maninjira tanganareo fotsiny dia fikiro Izany.

¹³⁸ Kristiana firy no ao amin'ilay Lèlana izao hariva izao, ato, izay faly fa efa ela izay no nanombohanareo? Efa nahavita ny fanombohanareo ianareo, ary nidina teny amin'ny lèlana, mbola midina mankany amin'ny farany foana. Mivavaka aho mba hanasoloran'Andriamanitra ny asam-panompoanareo, na inona na inona ilay izy. Mety ho mpikarakara tokantrano iray izany. Mivavaka aho mba hanasoloran'Andriamanitra ny asam-panompoanareo. Mety ho mpitoky teny iray izany. Mety ho diakona iray izany. Mety ho mpikambana laïka iray izany. Mety ho mpamboly iray izany. Tsy fantatro hoe inona ilay izy. Na inona na inona ilay izy, dia enga anie Andriamanitra hanasalotra ny fainanareo amin'ny voninahitry Ny Teniny, ary Ny Fihaviany Faharoa hampakatra anareo sy hitondra anareo hankao amin'ny Tany hafa izay hahatsapanareo fotsiny ho tahaka an'ilay trondro kely noresahako, avy amin'io fahamaizinana ao ambany ao io. Hitanareo, tsy afaka miakatra Any miaraka amin'ity karazana vatana ity ianareo. Tsy afaka miakatra tahaka an'ireny mpanamory sambondanitra ireny koa ianareo, hitanareo, tsy maintsy ao anaty barika iray nofenoina ianareo. Tsy nofenoina ho an'izany ianareo. Fa rehefa manova anareo Andriamanitra, dia nofenoina ianareo amin'izay fotoana izay, handeha ao amin'ny Fampakarana ianareo amin'izay fotoana izay. Rehefa very ireo taovam-panamboloan'ny tany tranainity ireo, ary lasa ao amin'io lèlana be voninahitry ny hazo fijaliana io ianareo, mody any an-Trano miaraka amin'i Jesosy.

¹³⁹ Ankehitriny, Andriamanitra Ray, misaotra Anao izahay ny amin'ireo tànana izay mitsangana mba ho Kristiana ireo. Mino aho fa hentitra amin'izany izy ireo ao am-pony. Mivavaka ho azy ireo aho, mba tsy ho diso izy ireo amin'ny fotoana rehetra. Ary raha diso izy ireo, dia enga anie izy ireo hanana haingana mihitsy an'io Mpisolovava miaraka amin'ny Ray io. Izay nianarako ho zavatra lehibe, Ray, ka rehefa manao ny fahadisoako rehetra aho, dia hitako fa manana Mpisolovava iray aho, haingana mihitsy, miaraka amin'ny Ray, amin'ny alàlan'i Jesosy Kristy. Ary entina miverina ao amin'ny fahasoavana indray aho. Ny tànan'ny Tompo feno fitiavana no mamafa, misy Fanatitra iray feno rà mipetraka eo izay ekeko ho Mpamonjiko.

¹⁴⁰ Izay marary sy manana ilaina rehetra, mivavaka aho mba Hanomezanao an'izay ilainy sy hanasitrana ny aretina rehetra, Tompo. Ary ireo izay eto ankehitriny mipetraka eo ambanin'ity hosotra be voninahitry ny Fanahy Masina ity, raha mahatsapa an'izany mirotsaka moramora eo amin'ny fanahinay izahay.

¹⁴¹ Andriamanitra Ray, Fantatrao izay noeritreretiko mikasika ny fahatongavana avy any Canada indray andro. Nieritreritra aho hoe, "Oh, toy ny ahoana no hitiavako ho tonga ao amin'ny fifohazana iray amin'ny fanao fahiny indray, ary ireo olo-masin'Andriamanitra fotsiny, mihira, ary ny herin'Andriamanitra, milatsaka." Oh, toy ny ahoana no anirian'ny foko mafy an'izany, Tompo. Enga anie ka hisy fifohazana tahaka izany hiseho ato amin'ity tabernakla ity, oh, ka ny herin'Andriamanitra dia—dia hirotsaka fotsiny amin'ny reniranon'ny fahasoavana, hiditra ao amin'ny fo tsirairay.

¹⁴² Misaotra Anao aho ny amin'ity toerana kely ity, Tompo. Tsy afaka nihazona azy tahaka an'izao izahay, fa ny Fahasoavanao no nihazona azy ara-panahy. Ary ankehitriny dia mino aho, Tompo, ilay toerana kely ara-panahy indrindra ao amin'ny firenena, izay fantatro, dia eto amin'ny Eighth sy Penn Street mihitsy. Toy ny ahoana no isaorako Anao ny amin'izany, Tompo! Mandeha any amin'ireo fiangonana ka mahita azy ireo mangatsiaka sy tsy miraika, ary ny vehivavy dia tena sahy ka tsy afaka ny hiteramena akory aza, ary tsy misy "ameña" na ranomaso iray eo amin'ny takolaka, na inona na inona, ary tsy misy famonjena, tsy misy na inona na inona fa mikambana fotsiny amin'ny fiangonany ary manao tsianjery ny fanekem-pinoany. O Andriamanitra, avy eo dia tonga ao amin'ny toerana kely iray mamy mafana izay misy afo miorina eo amin'ny alitara tsirairay an'ny fon'izy ireo. Fiononana iray toy ny inona izany, Ray! Fiononana iray toy ny inona! Misaotra Anao, Ray, ary enga anie haharitra mandrakariva izany hatramin'ny Fihavin'ny Tompo Jesosy. Tahio miaraka izahay ankehitriny.

¹⁴³ Ary rahampitso dia Sabata. Ary, Tompo, ampio aho amin'ny maraina, raha anjarako ny mitory amin'io *Fanisana Miverina* io. Andriamanitra, enga anie aho ho afaka hitondra an'izany

amin'ny fomba iray mba hahitan'ny olona an'izany, Tompo. Ary ankehitriny enga anie izy ireo hahita ny toetr'ilay asam-panompoana, sy izay misy azy, sy izay andrasanay, ary hoe nahoana ny zava-drehetra no miseho arak'izay maha-izy azy. Enga anie izy ireo hamaky manomboka amin'ny andininy faha-5, ary avy eo dia hahafantatra ny toerana izay misy anay.

¹⁴⁴ Ary ankehitriny, Ray, dia mivavaka aho mba Hitahianao anay ka hanome anay fitsaharana tsara ao amin'ny vatanay, ary avereno izahay rahampitso. Tahio ireto olona rehetra mitsangana manodidina ny rindrina ireto, ary miankina avy amin'ny tongotra iray mankany amin'ny iray hafa. Vehivavy, lehilahy, izay mitsangana ao anatin'ny orana ao ivelany ao, sy manodidina ny varavarankely, sy mipetraka ao anatin'ny fiarany, ary ny ambony sy ambany rehetra. Mivavaka aho mba Hitahianao azy ireo, Tompo. Enga anie izy ireo hody miaraka amin'ny fahasoavan'Andriamanitra ao am-pony. Mivavaka amin'ny Anaran'i Jesosy aho. Amena.

¹⁴⁵ Azonareo ve ankehitriny? Mamakia manomboka, voalohany, Timoty Faharoa 2:4, Timoty Faharoa 4, manomboka amin'ny andininy faha-5 midina, alohan'ny andehananareo eny am-pandriana izao hariva izao, raha afaka ianareo, dia ho hitanareo hoe aiza no misy antsika. Nahoana ireo lehilahy ireo no nahafoy azy? Nahoana izy ireo no tsy tonga? Ary ankehitriny dia ampitahao fotsiny amin'izay andalovantsika amin'izao andro izao ity asam-panompoana ity. Ampitahao ilay fampianaran'i Masindahy Paoly. Tsarovy ao amin'ilay zavatra kely avy any Andanitra izay hitako, hoy aho hoe, “Eny, tsy maintsy hitsangana miaraka amin'ny olony ve i Paoly?”

Hoy izy ireo hoe, “Eny.”

¹⁴⁶ Hoy aho hoe, “Nitory an'ilay Teny iray ihany izay notoriandy aho, marina tokoa, nijanona tamin'ilay Filazantsara iray ihany.”

¹⁴⁷ Ary an-tapitrisany no nanangana ny tànany ka nanao hoe, “Eo amin'Izany no itsaharanay.”

¹⁴⁸ Ny Tompo hitahy anareo. Tianareo ve Izy?

Mandra-pihaonantsika! Mandra-pihaonantsika!
Mandra-pihaonantsika!



Ny Dingan'ny Asam-Panompoako Ankehitriny MAG62-0908
(Present Stage Of My Ministry)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 8 Septambra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org